

國朝文匯

國朝文匯丁集目錄

卷十七

章 絳 原名炳麟字枚叔一
字太夷浙江餘杭人

文學論略

一

諸子學略說

十

駁中國用萬國新語說

二十一

春秋平議 叔皮錫瑞

三十二

新方言自序

三十七

梵文典序

三十八

致劉申叔書

三十八

再與劉申叔書

三十九

答某君論編書書

四十

復某書

四十一

與某君書

四十二

與某論樸學報書

四十二

與劉申叔書

四十三

復劉申叔書

四十五

復孫仲容書

四十六

與某君書

四十七

與某君書

四十七

俞先生傳

四十八

孫詒讓傳

四十八

國朝文匯丁集卷十七

文學論略

章絳

何以謂之文學。以有文字。著於竹帛。故謂之文。論其法。或謂之文辭。凡文理文字文辭皆謂之文。而言其采色之煥發。則謂之文。說文云。文錯畫也。象交文。形骸也。骸有彩彰也。或謂文章當作彩彰。此說未是。要之命其形質。則謂之文。狀其華美。則謂之彩。凡彩者。必皆成文。而成文者。不必皆彩。是故研論文學。當以文字為主。不當以彩彰為主。今舉諸家之說。商訂如下。

論衡超奇篇云。能說一經者為儒生。博覽古今者為通人。采摭傳書以上書奏記者為文人。能精思著文。連結篇章者為鴻儒。又曰。州郡有憂。有如唐子高。谷子云之吏。出身盡思。竭筆牘之力。煩憂適有不解者。哉。又曰。長生死後。州郡遭憂。無舉奏之吏。以故事結不解。傲詣相屬。文軌不尊。筆疏不續也。豈無憂上之吏哉。乃其中文筆不足類也。又曰。若司馬子長。劉子政之徒。累積篇第。文以萬數。其過子云子高遠矣。然而因成前紀。無胸中之造。若夫陸賈。董仲舒。論說世事。由意而出。不假取於外。然而淺露易見。觀讀之者。猶曰傳記。陽城子長作樂經。楊子雲作太玄經。造於助思。極宵冥之深。非庶幾之才不能成也。桓君山作新論。論世間事。辯照然否。虛妄之言。偽飾

之辭莫不證定。彼子長子雲說論之徒。君山為甲。自君山以來。皆為鴻鈔之才。故有嘉令之文。據此所說。文之與筆。本未分塗。而所謂文者。皆以善作奏記為主。自是以上。仍有鴻儒鴻儒之文。若司馬子長。劉子政所著。則為歷史。陸董陽城。楊四子所著。則為論子。經說。君山所著。則為諸子。是歷史經說諸子三者。彼方目以最上之文。非如後人擯此於文學之外。而沾沾焉。惟以華辭為文。或以論說記序碑誌。傳狀為文也。惟能說一經者。則不在此列。蓋學官弟子。聚徒講述。須以發策決科。其所撰著。無異於後世之帖括。是故屏之不與也。

自晉以後。始有文筆之分。文心雕龍云。今之常言。有文有筆。無韻者文也。有韻者筆也。然雕龍所論。列春藝文之屬。一切並包。是則文筆分科。祇存時論。固未嘗以此為界限也。昭明太子之序文選也。其於歷史。則云事異篇章。其於諸子。則云不以能文為貴。此為衰次總集。自成一家。體例適然。非不易之定論也。若以文筆區分。則文選所登無韻者亦自不少。若以文之為通。貴在彰彰。則未知賈生過秦。比於周秦諸子。其實其彩。竟何所判。且漢書藝文志。儒家者流。有賈誼五十八篇。過秦亦在其列。此亦諸子何以獨堪登錄。有韻文中。既登漢祖大風之作。即古詩十九首。亦皆入選。而漢晉樂府。反在所遺。是其於韻文也。亦不以節奏低昂為主。惟取文采斐然。足耀觀

覽又失韻文之本矣。是故昭明之說本無可以成立者也。

近世阮伯元氏以為孔子贊易始著文言。故文必以駢儷為主。而又牽引文筆之分。以成其說。夫有韻為文。無韻為策。則駢散諸體皆是筆而非文。藉此證成。適足自陷。既以文言為文。則序卦說卦。又將何說。且文辭之用。各有所當。彖象諸篇。屬於占繇之體。則不得不為韻語。繫辭文言。屬於述贊之體。則不得不為儷辭。序卦說卦。或屬目錄。或屬箋疏。則不得不為散錄。必以儷辭為文。何以十翼不能一致。豈波瀾既盡。有所謝短乎。或舉論語辭達一言。以為文之與辭。劃然異職。然則文言稱文。繫辭稱辭。體格未殊。而稱號有異。此又何也。董仲舒云。春秋文成數萬。兼彼經傳。總稱為文。猶曰。今文家之曲說。太史自序。亦云。論次其文。此固以史為文也。又曰。漢興蕭何次律令。韓信申軍法。張蒼為章程。叔孫通定禮儀。則文學彬彬稍進。此非駢偶之文。而未嘗不謂之文也。屈宋唐景之作。既是韻文。亦多駢語。而漢書王褒傳。已有楚辭之目。王逸仍之名曰楚辭。不曰楚文。則有韻與駢偶者。亦未嘗不謂之辭也。漢書賈誼傳云。以屬文稱於郡中。其文云何。若云賦也。則惜誓登於楚辭。文辭不別矣。若云奏記條議。則又彼之所謂辭也。司馬相如傳云。景帝不好辭賦。法言吾子篇云。詩人之賦麗。以則辭人之賦麗。以淫。或問君子尚辭乎。曰。君子事之為尚。事勝辭。則

仿辭勝事則賦事辭稱則經」此可見韻文駢體皆可稱麗無文辭之別也且文辭之稱若從其本以為分析則辭為口說文為文字古者簡帛重煩多取記憶故或用韻文或用駢語為其音節諧熟易於口記不煩記載也戰國縱橫之士抵掌搖尾亦多疊句是則駢偶之體適可稱職而史官方策如春秋史記漢書之屬乃當稱為文耳由是言之文辭之分矛盾自陷可謂大惑者矣蓋自梁李韓柳獨孤皇甫呂李來張之輩競為散體而自美其名曰古文辭將使駢儷諸家不登文苑此固持論偏頗不為典要今者務反其說亦適成論甘忌辛之見此亡是公之所笑也

或言學說文辭所以異者學說在開人之思想文辭在動人之感情雖亦互有出入而大致不能逾此此亦一偏之見也何以定之文之為名包舉一切著於竹帛者而言之故有成句讀之文有不成句讀之文兼此二事通謂之文就成句讀者言之謂之文辭就無韻文之部分言則有六科而雜文小說居其二焉凡不成句讀者表譜之體旁行邪上什繫充分會計之簿錄算術之演算地圖之列名此皆有名身而無句身若此類者無以動人之思想亦無以發人之感情此不得謂之文辭而未嘗不得謂之文也其成句讀者復有有韻無韻之別無韻文中富有學說歷史公牘典章雜文小說六科就吾所說則有韻無韻皆可謂之文辭特其體裁有異故所以斷其

工拙者各有不同。就彼所說則除學說而外一切有韻無韻之文皆得稱為文辭。而一以激發感情為主。則其誤亦已甚矣。無韻文中專尚激發感情者。惟雜文小說耳。歷史之中目錄學案則於思想有關。而於感情無涉。其他敘事之文固有足動感情者。然本非以是為主。蓋敘事者在得其事之真相耳。其事有足動感情與不動感情之異。故其文亦有足動感情與不動感情之異。若強事而就辭則所謂削足適履者也。至於姓氏之書列入史科。此則無關思想亦無關於感情者也。公牘之中詔誥奏議亦有能動感情者。然考績升調之詔支銷舉劾之書則於感情固無所預。其取動感情者。惟為特別事端。非其標準在此也。訴訟之詞狀錄供之爰書當官之履歷經商之引帖。此足動感情乎。抑不足動感情乎。典章之中思想感情皆無所預。若評論典章與尋求其原理者。此則諸子之法家當在學說。非彼所謂文辭矣。然則無韻之文除學說外有歷史公牘典章雜文小說五科。而三科皆不以能動感情為主。惟雜文小說則以是為標準耳。有韻之文誠以能動感情為主矣。然則著龜彖象之文體皆韻語。命曰占辭。周易而外見於左氏者多。乃如楊子之太玄焦贛之易林東方朔之靈棋其文古雅有餘。而於感情實無所動。其他詩賦箴銘哀誄詞曲之屬固以宣情達意為歸。抑揚宛轉是其職也。雖然儒家之賦意存諫戒。若荀卿成相一篇固無

能動感情之用。毛公傳詩。獨標興體。所謂興者。即能動感情之謂。則知比賦二式。宜不以此為限。傳稱登高能賦。謂之德音。然則原本山川。極命草木。若相如之子。虛楊雄之羽獵。甘泉。左思之三都。郭璞。木華之江海。奧博翔甯。極賦家之能事矣。其於感情。動耶。否耶。惟相如大人賦。漢武讀之。輒有泣雲氣。遊天。其專賦一物者。若荀卿地。則愈此。自憑虛構造之作。與子虛諸篇不同。之騷賦。箴賦。王延壽之王孫賦。稱衡之鸚鵡賦。倅色揣稱。曲盡形相。讀者感情。亦未動也。今之言詩。與古稍異。故詩賦分為二事。漢世郊祀房中之歌。沈博絕麗。而莊敬之情。覽者曾不為動。蓋其感人之處。固在被之管絃。非局於詞句也。若夫柏梁聯句。語皆有韻。後世遵之。自為一體。今試紬繹其辭。惟是夫子自適。而上林。令詩。則以「桃李橘。柏杞梨。杞」七字。瑣積成言。無異急就篇中文句。若以柏梁詩為不善。則固詩人所尊奉也。若以柏梁詩為善。則無可動人之感情也。然則謂文辭之妙。惟在能動感情者。在韻文已不能限。而況無韻之文乎。彼專以雜文小說之能事。概一切文辭者。是真知其一而不知其二也。或云壯美。或云優美。學究點文之法。村婦評曲之辭。庸陋鄙俚。無足挂齒。而以是為論文之軌。不亦過乎。吾今為一語曰。一切文辭。雖在體裁各異。以激發感情為要者。箴銘哀誄詩賦詞曲雜文小說之類是也。以發思想為要者。學說是也。以確盡事狀為要者。歷史是也。以比類知原為要者。典章

是也。以便俗致用為要者。公牘是也。以本隱之顯為要者。占繇是也。其體各異。故其工拙亦因之而異。其為文辭則一也。

如上諸說。前之昭明。後之阮氏。持論偏頗。誠不足辯。最後一說。以學說與文辭對立。其規摹雖稍寬博。而其失也在。惟以形彰為文。而不以文字為文。故學說之不移者。則悍然擯之於文辭之外。惟論衡所說。畧成條理。先舉奏記為範。則不遺公牘矣。次舉敘事經說諸子為言。則不遺歷史與學說矣。有韻為文人所共曉。故畧而不論。雜文漢時未備。故亦不著。不言小說。或其意存鄙夷。不列典章。由其文有缺略。此則不能無失者也。雖然。王氏所說。雖較諸家為勝。亦但知有句讀文。而不知無句讀文。此則不明文學之原矣。

吾今當為眾說。古者書籍得名。由其所用之竹木而起。此可見語言文學功用各殊。是文學之所以稱文學也。且如經之得稱。謂其常也。傳之得稱。謂其轉也。論之得稱。謂其倫也。此皆後儒訓說。未必覩其本真。欲知稱經稱傳稱論之由。則經者編絲綴屬之謂也。是故六經而外。復有緯書。義亦同此。如佛經稱素怛纒。亦云修素怛纒者。直譯為線。譯意為經。蓋彼以貝葉成書。故不得不用線聯貫。此以竹簡成書。亦不得不用絲綴屬。其必舉此為號者。異於百名以下。專用版牘者耳。蓋經本官書。故吳語

有挾經秉枹之說

枹解經兵書也此說未確豈有臨陳而讀兵字既繁多故用策而

不用版也傳者專之假借也論語傳不習乎曾作專不習乎是其明證說文訓專為

六寸簿簿則手版古謂之忽今作書思對命以備忽忘故引仲為書籍記事之稱書

籍名簿亦名為專專之得名以其體短有異於經鄭康成論語序云春秋二尺四寸

孝經一尺二寸論語八寸則知專之簡策當更短於論語所謂六寸者也漢藝文志

中古文尚書有一簡二十五字者而服虔注左氏傳則云古文尚書一簡八字蓋二

十五字者二尺四寸之經也八字者六寸之專也古官書皆云二尺四寸故云二尺

四寸之律舉成數言則曰三尺法經亦官書論者古祇作命比竹成冊各就次第是

之謂命簡亦編竹為之是故命字從命引伸則樂音之有秩序者亦稱為命於論鼓

鐘是也言說之有秩序者亦稱為命坐而論道是也推尋本義實是命字論語為師

弟問答而亦畧記舊聞散為各條編次成帙故曰命語要之經者繩線貫聯之稱傳

者簿書記事之稱論者比竹成冊之稱各從其質以為之名亦猶古言方策漢言尺

牘今言劄記也雖古之言肄業者左氏傳臣以為亦謂肄版而已釋器云大版謂之

業所習之書各有篇第而習者移書其文於版舉重習字用故云肄業管子宙合篇

云退身不舍端修業不息版以此證之則肄業之為肄版明矣舉業之名由此引伸

據此諸證或簡或牘皆從其實為名此所以別文字於言語也其所以必為之別者

何也。文字初興。本以代言為職。而其功用。有勝於言者。蓋言語之用。僅可成線喻。如空中鳥跡。甫見而形已逝。故一事一義。得相聯貫者。言語司之。及夫萬類。全集。禁不可理。言語之用。有所不周。於是委之文字。文字之用。可以成面。故表譜圖畫之術。興焉。凡排比鋪張。不可口說者。文字司之。及夫立體建形。向背同現。文字之用。又有不周。於是委之儀象。儀象之用。可以成體。故鑄銅雕木之術。興焉。凡望高測深。不可圖表者。儀象司之。然則文字。本以代言。而其用。則有獨至。凡無句讀之文。皆文字所專屬者也。文之代言者。必有興會神味。文之不代言者。則不必有興會神味。不代言者。文字所擅場也。故論文學者。不得以感情為主。今先說文學各科如下。

無句讀文

- 圖書
- 表譜
- 簿錄
- 算草

簿錄與表譜殊者。以不皆旁行縱繫故

賦頌

無韻之頌。即入符命類。述序類中

哀誄

祭文附此

箴銘

無韻之銘。即入款識類中

有句讀文

無韻文

有韻文

占辭

如周易林太玄爻棋之屬

古今體詩

詞曲

學說

諸子

疏證 凡隨文解義及著書考古者皆屬此

平議 如史通文心雕龍及一切文評史評之屬

歷史

紀傳 尚書帝典之類皆屬此

編年

紀事本末

國別史 如國語之屬

地志

姓氏書

行狀

別傳

公牘

雜事 報章中紀事亦屬此

教職 如鼎彝碑誌之屬

目錄 書目之無說者列入簿錄科

學案

詔語 尚書虞誥酒誥之類亦屬此

奏議 尚書撰訓之類亦屬此

文移

批判

告示 一切教令皆屬此

訴狀

錄供

履歷

契約 如條約地契引帖之屬其私立者即入書札類中

書志 如正史各志及通典通考之屬

官禮 如周禮六典會典之屬

典章

律例									
公法									
集註									
如儀禮江都集禮書儀之屬其經學家專門說禮者即入疏證類中									
雜文									
符命									
如封禪告天劇奏典引之屬不實有韻									
論說									
連珠之類亦屬此									
對策									
雜記									
述序									
書札									
私訂契約不關公債者亦屬此									
小說									

如右所說分無句讀文有句讀文為二列其下分十六科即圖書表譜簿錄算草賦頌哀誄箴銘占錄古今體詩詞曲學說歷史公牘典章雜文小說是也其中學說歷史公牘典章雜文又當區為各類以此分析則經典亦當散入各科如周易者占錄科也如詩者賦頌科也如尚書者歷史科之紀傳類紀事本末類公牘之詔誥類奏

議類告示類也。如周禮者典章科之官禮類也。如儀禮者典章科之儀注類也。無由如禮記者典章科之儀注類。曲禮內則投壺書志類。祭法明堂月學說科之諸判。如禮記者典章科之儀注類。曲禮內則投壺書志類。祭法明堂月學說科之諸子類。中庸禮運禮器三疏證類。酒義冠義鄉飲義。皆皆皆是。歷史科之紀傳類。如五帝也。春秋者。歷史科之編年類。世本則表譜科。國語則歷史科之國別史類。二傳則學說科之疏證類也。論語孝經者學說科之諸子類也。爾雅說文者學說科之疏證類也。至于正史一書之中。分科各異。如紀傳則歷史科之紀傳類也。書志則典章科之書志類也。年表人表則表譜科也。若百官公卿表則又典章科之官禮類也。宰相世系表則又歷史科之姓氏書類也。于書志中有藝文經籍等志。則又歷史科之目錄類也。文人所作總集別集之屬。大抵多在雜文科中。而碑志則歷史科之款識類。傳狀則歷史科之行狀類。別傳類也。若翰苑集則公牘科之奏議類也。若順宗實錄則歷史科之紀傳類也。近世各編實錄皆不入集。凡自成一家之書。名為諸子。然別錄七略兵書方技數術皆為獨立。不入諸子略中。晉荀勗簿錄中經分為四部。而兵書數術遂與諸子合符。梁阮孝緒作七錄。子兵為一。而技術復在其外。隋經籍志始以兵家天文家曆數家五行家醫方家盡入諸子。自今以後科學漸興。則諸子所包其數將不可計。儒家道家同為哲學。墨家陰陽家同為宗教。似亦不須分立矣。此與歷史公牘典

章小說諸科皆相涉入。惟于雜文則遠耳。其次或自成一家或依附舊籍而皆以實事求是為歸者。則通名為疏證。上自經說下至近世之創說。此皆疏證類也。其最古者。若尚書有大誓說。周管子有形勢解。立政九敗解。版法解。明法解。韓非有解老喻老。此亦疏證類也。而近人別集如戴震錢大昕段玉裁阮元輩其間雜文甚少。而關於考證者多。是亦疏證類也。此類與歷史公牘典章雜文小說諸科則皆相涉入者也。其有商度文史自成一家者。名曰平議。若荀勗之雜撰文章家集。欽掣虞之文章志。傅亮之續文章志。隋書皆列入史部簿錄篇中。皆為近似。而後人則於別集總集而外。又立一文史類。蒐集此種錄入其中。則名實相去遠矣。今之史評若史通是集也。今之文評若文心雕龍是也。其關於款識者若金石要例是也。其關於古今體詩者若詩品是也。其通評文史者若文史通義是也。此則與無句讀文有句讀文皆相涉入者也。

既知文有無句讀有句讀之分。而後文學之歸趣可得言矣。無句讀者純得文稱文字之不共性也。有句讀者文而兼得辭稱文字語言之共性也。論文學者雖多就共性言。而必以不共性為其素質。故凡有句讀文以典章為最善。而學說科之疏證類亦住住附居其列。文皆質實而遠浮華。辭尚直截而無纏繞。此于無句讀文最為相

近魏晉以後珍說叢興文漸離篇作史者能為紀傳而不能為表譜書志今觀陳壽之三國志范曄之後漢書姚思廉之梁書陳書令狐德棻之周書李百藥之北齊書李延壽之南史北史惟存紀傳而表志絕焉惟沈約宋書蕭子顯齊書魏收周書有所能作也所書成於官撰紀傳與志分任纂修蓋志若續漢書之志則司馬彪作非范曄作紀傳者亦不能作志也晉書亦官撰故得有志江淹所以歎作史之難莫難於作志也中唐以後三傳束閣降及北宋論鋒橫起好為浮蕩恣肆之辭不惟其體故疏證之學漸疏劉敞劉奉世洪适洪邁吳曾王應麟之徒雖能考證叢殘持之有故言之不能成理屬文者便於荒陋反以疏證為支離此文辭所以日趨浮偽也是故作史不能成書志屬文不能兼疏證則文字之不共性自是亡矣雖然既已謂之文辭則書志必不容與表譜簿錄同其繁碎疏證必不容與表譜簿錄同其冗雜故書志之要必在訓辭翔雅若漢志隋志通典之文則得矣宋元明志通考續通考輩非其任也疏證之要必在條列分明若江永戴震段玉裁王引之金榜黃以周之文則得矣余蕭客王昶洪亮吉輩非其任也以典章科之書志學說科之疏證施之於一切文辭除小說外凡敘事者尚其直敘不尚其比況若云血流標杵或云積戈甲與熊耳山齊其文雖工而為佞規改錯矣凡議論者尚其明示而不尚其代名若云顏淵雖篤學附驥尾而行益顯或云足歷王庭垂餌虎口其文雖工而為雕刻曼辭

矣。乃若疊韻雙聲連字連義。用為形容者。惟於韻文為宜。無韻之文。亦非所適。所以者何。韻文以聲調節奏為本。故形容不患其多。如顧甯人日知錄云。

詩用疊字最難。衛詩河水洋洋。北流活活。施罟濊濊。鰋鮪發發。葭葭揭揭。庶姜孽孽。連用六疊字。可謂複而不厭。噴而不亂矣。古詩青青河畔草。鬱鬱園中柳。盈盈樓上女。皎皎當窗牖。娥娥紅粉妝。纖纖出素手。連用六疊字。亦極自然。下此無人可繼。屈原九章。悲回風。紛容容之無經兮。罔茫茫之無紉。札洋洋之無從兮。馳遠移之焉止。漂翻翻其上下兮。翼遙遙其左右。汜濇濇其前後兮。伴張弛之信期。連用六疊字。宋玉九辯。乘精氣之搏搏兮。騫諸神之湛湛。騁白霓之習習兮。登歷歷之豐豐。左朱雀之嗷嗷兮。右蒼龍之躑躑。屬雷師之闐闐兮。通飛廉之衙衙。前輕鯨之鏘鏘兮。後輜乘之從從。載雲旗之委蛇兮。扈屯騎之容容。連用十一疊字。後人辭賦亦罕能及之者。

此則韻文貴在形容之證也。無韻之文。便與此異。前世作者。用之符命。是為合格。其他諸篇。僕見則可。過多則不適矣。相如子虛。湛深於古文奇字。移檄解嘲之屬。用此亦多。後人當師其奇字。不當師其形容語也。此如西園雜記。祇容古乃如舉地稱富。皆從時制。雖當異族秉政。而亦無可詭更。所謂名從主人也。近世為文例者。祇以此

為金石刻畫之程式。其實雜文亦爾。特歷史公牘諸科。需此尤切爾。夫解文者。以典章學說之法。施之歷史公牘。復以施之雜文。此所以安置妥帖也。不解文者。以小說之法。施之雜文。復以施之歷史公牘。此所以耽耽不安也。或曰。予前言一切文辭。體裁各異。故其工拙。亦因之而異。今乃欲以書志疏證之法。施之於一切文辭。不自相刺謬耶。答曰。前者所說。以工拙言也。今者所說。以雅俗言也。工拙者。繫乎才調。雅俗者。存乎軌則。軌則之不知。雖有才調而無足貴。是故俗而工者。無甯雅而拙也。雅有消極積極之分。消極之雅。清而無物。歐曾方姚之文是也。積極之雅。閑而能肆。楊班張韓之文是也。雖然。俗而工者。無甯雅而拙。故方姚之才。雖驚。猶足以倣今人也。吾觀日本之論文者。多以興會神味為主。曾不論其雅俗。或其取法泰西。上追希臘。以美之一字。橫梗結噎于胸中。故其說若是耶。彼論歐洲之文。則自可爾。而復持此以論漢文。吾漢人之不知文者。又取其言以相矜式。則未知漢文之所以為漢文也。曰。本人所讀漢籍。僅中庸以後之書耳。魏晉盛唐之遺文。已多廢閣。至於周秦兩漢。則稱道者絕少。雖或畧觀大意。訓詁文義。一切未知。由其不通小學耳。夫中唐文人。惟韓柳皇甫獨孤呂李諸公為勝。自宋以後。文學日衰。以至今日。彼方取其最衰之文。比較綜合。以為文章之極致。是烏足以為法乎。或曰。予之持論。似明世七子所言。專

以唐為封城而蔑視宋後諸公甯非一偏之論耶。答曰。七子之弊。不在宗唐而祧宋也。亦不在效法秦漢也。在其不解文義。而以各刺為能。不辨雅俗。而以工拙為準。吾則不然。先求訓詁。句分字析。而後敢造詞也。先辨體裁。引繩切墨。而後敢放言也。此所以異於明之七子也。或曰。子謂不辨雅俗。則工拙可以不論。前者已云。以便俗致用為要者。公牘是也。彼公牘者。復何雅之足言乎。答曰。所謂雅者。謂其文能合格。公牘既以便俗。則上準格令。下適時語。無屈奇之稱。號無表象之言。詞斯為雅矣。漢書藝文志曰。書者古之號令。號令于衆。其言不立具。則聽受施行者弗曉。古文讀應麟雅。故解古今語而可知也。是則古之公牘。以用古語為雅。今之公牘。以用今語為雅。或用軍門觀察守令丞倅。以代本名。斯所謂屈奇之稱號也。或言水落石出。剝肉補瘡。以代本義。斯所謂表象之言詞也。其餘批判之文。多用四六。昔在宋世。已有龍筋鳳髓之書。近世宰官。相率崇效。以文掩事。猥濫萬端。此弊不除。此公牘所以不雅也。公牘之文。與所謂高文典冊者。其積極之雅不同。其消極之雅則一。要在質直而已。安有所謂便俗致用者。即無雅之可言乎。非獨公牘然也。小說之文。與他文稍異矣。然亦有其雅者。史記滑稽傳。漢書東方朔傳。此皆小說所本。而漢藝文志之稱小說。則云街談巷語。道聽塗說者所造。是所謂詢于芻蕘者也。故如邯鄲淳之笑林。劉義

真之世說皆當時實事也。其有意構造者則如漢志所載小說諸家多兼黃老。而其後亦兼神鬼。若搜神記幽明錄者非小說之正宗矣。然猶以譎怪恢奇相尚。雖云致遠恐泥而無淫汙流漫之文。是在小說猶不失為雅也。自明以來文人夸毗惟懷婚姻。自詡風流。靡恥道喪。於是有秘辛雜事飛燕外傳諸作。浸淫至今。而其流不可遏矣。反古復始故亦有其雅者。近世小說其為街談巷語若水滸傳儒林外史其為神怪幽秘若閱微草堂五種此皆無害為雅者。若以古豔相矜以明媚自喜則無不論入惡道。故知小說自有雅俗。非有俗無雅也。公牘小說尚可言雅。况典章學說歷史雜文乎。若不知世有無句讀文則必不知文之貴者。在乎書志疏證。若不知書志疏證之法可施於一切文辭則必以因物騁辭情靈無據為文辭之根極。宕而失原。惟知工拙不知雅俗。此文辭所以日弊也。

日本武島氏修辭學云凡備體製者皆得稱文章。然凡稱文章者不必皆備體製。無味之談論乾枯之記事非不自成一體。其實文字之臚列記號之集合耳。未可云備體製之文章也。此說不然。圖畫有圖畫之體製。非善準望審明暗者勿能為。表譜有表譜之體製。非知統系明綱目者勿能為。簿錄有簿錄之體製。非識品性審去取者勿能為。算草之體製。非知符號通章數者勿能為。此皆各有其學。故亦各有其體。乃

至單篇札記無不皆然。其意既盡而文獨不盡。則當刊落盈辭。無取虛存閒架。若夫前有虛冒。後有結尾。起伏照應。惟恐不周。此自蘇軾呂祖謙輩教人策鋒之法。以此謂之體製。吾未見其為體製也。善夫章氏文史通義之言曰。塾師之講時文。必有法度。以合程式。而法度難以空言。則往往取譬。以示蒙學。擬於房室。則有所謂閒架結構。擬於身體。則有所謂眉目筋節。擬於繪畫。則有所謂點睛添毫。擬於形家。則有所謂來龍結穴。此為初學示法。無庸責也。惟時文結習深。錮腸腑。進窺一切古書古文。皆此時文見解。則如用象棋枰布圍棋子。必不合矣。日本人未習時文。乃其所言亦有類是。則以眼界所及。多屬宋文。而蘇軾呂祖謙輩實為時文之祖。故所言亦適相符合。不知文有有句讀無句讀之分。就有句讀文中。亦尚有近於無句讀文者。而必執一體製以概凡百之體製。悲夫。井魚不可與語海者。拘於墟也。夏蟲不可與語冰者。篤於時也。

諸子學略說

所謂諸子學者。非專限於周秦。後代諸家亦得列入。而必以周秦為主。蓋中國學說其病多在汗漫。春秋以上學說未興。漢武以後定一尊于孔子。雖欲放言高論。猶必以無礙孔氏為宗。強相援引。妄為皮傅。愈調和者愈失其本真。愈附會者愈違其解。

故故中國之學其失不在支離而在汗漫自宋以後理學肇興明世推崇朱氏過于
素王陽明起而相抗其言致良知也猶云朱子晚年定論孫奇逢輩遂以調和朱陸
為能此皆汗漫之失也惟周秦諸子推迹古初承受師法各為獨立無援引攀附之
事雖同在一家者猶且矜己自貴不相通融故荀子非十二子子思孟軻亦在其列
或云子張氏之賤儒子游氏之賤儒子夏氏之賤儒詬訾嘲弄無所假借韓非子顯
學篇云『世之顯學儒墨也儒之所至孔丘也墨之所至墨翟也自孔子之死也有
子張之儒有子思之儒有顏氏之儒有孟氏之儒有漆雕氏之儒有仲良氏之儒有
孫氏之儒有樂正氏之儒自墨子之死也有相里氏之墨有相夫氏之墨有鄧陵氏
之墨故孔墨之後儒分為八墨離為三取舍相反不同而皆自為真孔墨不可復生
誰使定世之學乎』此可見當時學者惟以師說為宗小有異同便不相附非如後
人之忌狹隘喜寬容惡門戶矜曠觀也蓋觀調和獨立之殊而知古今學者遠不相
及佛家有言何等名為所熏若法平等無所違逆能容習氣乃是所熏此遮善染勢
力强盛無所容納故非所熏若法自在性非堅密能受習氣乃是所熏此遮心所及
無為法依他堅密故非所熏（見成唯識論）此可見古學之獨立者由其持論強
盛義證堅密故不受外熏也或曰黨同門而妬道真者劉子駿之所惡以此相熏得

無失言。答曰：此說經與諸子之異也。說經之學，所謂疏證，惟是考其典章制度，與其事跡而已。其是非且勿論也。欲考索者，則不得不博覽傳記，而漢世太常諸生，唯守一家之說，不知今之經典古之官書，其用在考跡異同，而不在尋求義理。故孔子刪定六經，與太史公班孟堅輩，初無高下。其書既為記事之書，其學惟為客觀之學。黨同妬真，則客觀之學，必不能就。此劉子駿所以移書匡正也。若諸子則不然，彼所學者，主觀之學，要在尋求義理，不在考跡異同。既立一宗，則必自堅其說，一切載籍，可以供我之用，非束書不觀也。雖異己者，亦必瞋其籍，知其義趣，往往復辯論，不稍假借而已。是故言諸子，必以周秦為主。

古之學者，多出王官。世卿用事之時，百姓富家，則務農商畜牧，無所謂學問也。其欲學者，不得不給事官府，為之胥徒，或乃供灑掃為僕役焉。故曲禮云：「官學事師，學字本或作御。」所謂官者，謂為其官寺也。所謂御者，謂為其僕御也。故事師者，以洒掃進退為職，而後車從者，纔比于執鞭拊馬之徒。觀春秋時，世卿皆稱夫子。夫子者，猶今言老爺耳。孔子為魯大夫，故其徒尊曰夫子。猶是主僕相對之稱也。說文云：「仕學也，仕何以得訓為學？」所謂官于大夫，猶今之學習行走，是故非仕無學。非學無仕，二者是一而非二也。學優則仕之言，出于子夏。子夏為魏文侯所當戰國時仕學分途久矣，非古義也。秦丞相李斯議曰：「若欲

有學法令。以吏為師。亦猶行古之道也。惟其學在王官。官宿其業。傳之于孫。故謂之
疇人子弟。見史記疇者類也。漢律年二十三傳之疇官。各從其父學。此之謂也。近世
作疇人傳以疇人其後有儒家墨家諸稱。荀子大略篇云。此家言邪學。所以惡儒者。
為明算之編。非是。當時學術相傳。在其子弟。而猶稱為家者。亦仍古者疇官世業之名耳。史記稱老聃
為柱下史。莊子稱老聃為徵藏史。道家固出于史官矣。孔子問禮老聃。卒以刪定六
藝。而儒家亦自此萌芽。墨家先有史佚為成王師。其後墨翟亦受學于史角。陰陽家
者。其所掌為文史星曆之事。則左氏所載瞽史之徒。能知天道者是也。其他雖無徵
驗。而大抵出于王官。是故漢藝文志論之曰。

儒家者流。蓋出於司徒之官。道家者流。蓋出於史官。陰陽家者流。蓋出於羲和之
官。法家者流。蓋出於理官。名家者流。蓋出於禮官。墨家者流。蓋出於清廟之官。縱
橫家者流。蓋出於行人之官。雜家者流。蓋出於議官。農家者流。蓋於農稷之官。小
說家者流。蓋出于稗官。

此諸子出於王官之說。惟其各為一官。守法奉職。故彼此不必相通。莊子天下篇云。
譬如耳目鼻口。皆有所明。不能相通。是也。亦有兼學二術者。如儒家多兼縱橫。法家
多兼名。此表裏一體。互為經緯者也。若告子之兼學儒墨。則見譏於孟氏。而墨子亦

謂告子為仁。譬猶跂以為長。隱以為廣。其弟子請墨子棄之。見墨子進退失據而無所容。此可為調和者之戒矣。

今畧論各家如左

一論儒家。周禮太宰言儒以道得民。是儒之得稱久矣。司徒之官專主教化。所謂三物化民。三物者。六德六行六藝之謂。是故孔子博學多能而教人以忠恕。雖然有商訂歷史之孔子。則刪定六經是也。有從事教育之孔子。則論語孝經是也。由前之道其流為經師。由後之道其流為儒家。漢書以周秦漢初諸經學家錄入儒林傳中。以論語孝經諸書錄入六藝略中。此由漢世專重經術。而儒家之荀卿又為左氏叔梁毛詩之祖。此所以不別經儒也。若在周秦則固有別。且如儒家鉅子李克甯越孟子荀卿魯仲連輩皆為當世顯人。而儒林傳所述傳經之士大都載籍無聞。莫詳行藏。蓋儒生以致用為功。經師以求是為職。雖今古文所持有異。而在周秦之際。通經致用之說未興。惟欲保殘守缺。以貽子孫。顧於世事無與。故荀卿譏之曰。鄙夫好其實。不恤其文。是以終身不免掉汚庸俗。故易曰。括囊無咎無譽。腐儒之謂也。概非此云腐儒。即指當世之經師也。由今論之。則猶愈於漢世經師言取青紫如拾芥。較之戰國儒家亦為少愈。以其淡於榮利云爾。儒家之病在以富貴利祿為心。蓋孔子當

春秋之季。世卿秉政。賢路壅塞。故其作春秋也。以非世卿見志。公羊家及左氏家其

教弟子也。惟欲成就吏材。可使從政。而世卿既難猝去。故但欲假借事權。便其行事。

是故終身志望。不敢妄希帝玉。惟以王佐自擬。觀荀卿儒效篇云。大儒者。天子三公

也。楊注其才堪王王者之位也。小儒者。諸侯大夫士也。衆人者。工農商賈也。是則大儒之用。無過三

公。其志亦云卑矣。孔子之譏丈人。謂之不仕無義。孟子荀卿皆譏陳仲。一則以為無

親戚君臣上下。一則以為盜名不如盜貨。見荀子而荀子復述太公誅華士事。見荀子

由其不臣天子。不友諸侯。見韓非子外是儒家之湛心禁利。較然可知。所以者何。苦

心力學。約處窮身。心求得懽。而後意懽。故曰沽之哉。沽之哉。不沽則吾道窮矣。藝文

志說儒家云。辟者隨時抑揚。遠離道本。句以譁衆取寵。不知譁衆取寵。非始辟儒。即

孔子固已如是。莊周述盜跖之言曰。魯國巧僞人孔丘。不耕而食。不績而衣。搖唇鼓

舌。擅生是非。以迷天下之主。使天下學士。不反其本。妄作孝弟。而微幸於封侯富貴

者也。此猶曰道家詆毀之言也。而微生欲與孔子同時。已譏其佞。則儒者之真可見

矣。孔子于七十二君。已開游說之端。其後儒家率多兼縱橫者。見其自為說曰。無可

無不可。又曰。可與立。未可與權。又曰。君子之中庸也。君子而時中。孟子曰。孔子聖之

時者也。荀子曰。君子時綏則綏。時伸而伸也。見仲然則孔子之教。惟在趨時。其行義

國月七集

從時而變故曰言不必信行不必果如墨子非儒下篇觀孔子曰

孔丘窮於陳蔡之間藜藿不糲十日子路為掌脰孔丘不問肉之所由來而食視人衣以跼酒孔丘不問酒之所由來而飲哀公迎孔丘席不端弗坐割不正弗食子路進請曰何其與陳蔡反也孔丘曰來吾語汝糞與汝為苟生今與汝為苟義夫飢約則不辭妄取以活身贏飽偽行以自飾汙邪詐偽就大於此

其詐偽既如此及其對微生畝也則又以疾固自文此猶叔孫通對魯兩生曰若真鄙儒不知時變也所謂中庸實無異於鄉愿彼以鄉愿為賊而譏之夫一鄉皆稱愿人此猶沒身里巷不求仕宦者也若夫逢衣淺帶矯言偽行以迷惑天下之主則一國皆稱愿人所謂中庸者是國愿也有善於鄉愿者也孔子譏鄉愿而不譏國愿其湛心利祿又可知也君子時中時伸時屈故道德不必求其是理想亦不必求其是惟期便於行事則可矣用儒家之道德故艱苦卓厲者絕無而冒沒奔競者皆是俗訪有云書中自有千鍾粟此儒家必至之弊貴於微辟科舉學校之世而無乎不偏者也用儒家之理想故宗旨多在可否之間論議止於函胡之地彼耶穌教天主教崇奉一尊其害在堵塞人之思想而儒術之害則在散亂人之思想此程朱陸王諸家所以有權而無實也雖然孔氏之功則有矣變機祥神怪之說而務人事變嗜人

世官之學。而及平民。此其功亦復絕千古。二千年來。此事已屬過去。獨其熱中競逐在耳。

次論道家。道家老子。本是史官。知成敗禍福之事。悉在人謀。故能排斥鬼神。為儒家

之先導。

道家如老莊輩皆無崇信鬼神之事。列子谷神不死。是謂玄牝等語。未知

何指。道士依傍其說。推為教祖。實於老子無與。亦以怵於利害。膽為之怯。故事事以

卑弱自持。所云無為權首。將受其咎。人皆取先。已獨取後者。實以表其膽怯之徵。蓋

前世伊尹太公之屬。

漢藝文志道家有伊尹五十篇。太公二百三十七篇。

皆為輔佐。不為帝王。學老氏之術。

者。周時有范蠡。漢初有張敖。其位置亦相類。皆惕然於權首之戒者也。孔子受學老

聃。故儒家所希。祇在王佐。可謂不背其師說矣。老子非特不敢為帝王。亦不敢為教

主。故云強梁者。不得其死。吾將以為教父。大抵為教主者。無不強梁。如釋迦以勇猛

無畏為宗旨。尊曰大雄。亦曰調御。而耶穌穆罕默德。或稱帝子。或言天使。遇事奮迅。

有慾不畏死之風。此皆強梁之最也。老子膽怯。自知不堪。此任。故云。人之所教。我亦

教之。如是而已。然天下惟膽怯者。權術亦多。蓋力不能取。而以智取。此事勢之必然。

也。老子云。道法自然。太史論老莊諸子。以為歸於自然。自然者。道家之第一義諦。由

其博覽史事。而知生存競爭。自然進化。故一切以放任為主。雖然。亦知放任之不可

久也。羣龍無首，必有以提倡之。又不敢以權首自居，是故去力任智，以詐取人，使彼樂於從我，故曰：「善為道者，非以明民，將以愚之。」弱之勝強，柔之勝剛，天下莫不知。老氏學術，盡于此矣。雖然，老子以其權術授之孔子，而徵藏故書，亦悉為孔子詐取。孔子之權術，乃有過於老子者。孔學本出於老，以儒道之形式有異，不欲崇奉以為本師。亦如二程子之學本出濂溪，其後反對佛老，故不稱周先生，直稱周茂叔而已。東原之學本出婺源，其後反對朱子，故不稱江先生，直稱吾郡老儒江慎修而已。而懼老子發其覆也，於是說老子曰：「為鵲鵲，魚傳沫，細要者化，有弟而兄，曉見莊子天運篇。」意謂已述六經，學皆出於老子。吾老子膽怯，不得不曲從其請，違蒙殺拜之事，又其素所揄揚也。胸有不平，欲一舉發，而孔氏之徒偏布東夏，吾言朝出，首領可以夕斷。於是西出函谷，知秦地之無儒，而孔氏之無如我何，則始著道德經，以發其蘊，藉令其書早出，則老子必不免於殺身。如少正卯在魯，與孔子並，孔子之門三盈三虛，見論衡猶以爭名致戮，而況老子之陵駕其上者乎？嗚呼！觀其師徒之際，忌刻如此，則其心術可知。其流毒之中人，亦可知已。莊子晚出其氣獨高，不憚抨彈前哲，憤奔走游說之風，故作讓王以正之。惡智力取攻之事，故作胠篋以絕之。其術似與老子相同，其說乃與老子絕異。故天下篇歷敘諸家，已與關尹老聃裂分為二。其褒之以至極尊，之以博大真人者，以其自然之詭為己所取法也。其裂分為二者，不欲以老子

之權術自汙也。或謂子夏傳田子方。田子方傳莊氏。是故莊子之學本出儒家。其說非是。莊子所述如庚桑楚徐無鬼。則陽之徒多矣。豈獨一田子方耶。以其推重子方。遂謂其學所出。必在於是。則徐無鬼亦莊子之師耶。南郭子綦之說。為莊子所亟稱。彼亦莊子師耶。

次論墨家。墨家者古宗教家。與孔老絕殊者也。儒家公孟言無鬼神。公孟篇。道家老子言以道蒞天下。其鬼不神。是故儒道皆無宗教。儒家後有董仲舒。明求雨禳災之術。似為宗教。道家則由方士妄託為近世之道教。皆非其本旨也。惟墨家出於清廟之宗。故有明鬼三篇。而論道必歸於天志。此乃所謂宗教矣。兼愛尚同之說。為孟子所非。非樂節葬之義。為荀卿所駭。其實墨之異儒者。並不止此。蓋非命之說。為墨家所獨勝。儒家道家皆言有命。其善於持論者。神怪妖誕之事。一切可以推陷廓清。惟命則不能破。如論衡有命祿氣壽幸遇命義等篇是也。其命義篇舉儒墨對辯之言曰。

墨家之論。以為人死無命。儒家之議。以為人死有命。言有命者。見于夏言。死生有命。富貴在天。言無命者。聞歷陽之都一宿沈。而為湖。秦將白起坑趙降卒於長平之下。四十萬眾。同時皆死。春秋之時。敗績之事。死者數萬戶。且萬數饑饉之歲。餓

者滿道溫氣疫癘。千戶滅門。如必有命。何其秦齊同也。言有命者曰。夫天下之人民之衆。一歷陽之都。一長平之坑。同命俱死。未可怪也。命當溺死。故相聚於歷陽。命當壓死。故相積於長平。猶高祖初起。相工入豐沛之邦。多封侯之人矣。未必老少男女俱貴。而有相也。卓犖時見。往往皆然。而歷陽之都。男女俱沒。長平之坑。老少並陷。萬數之中。必有長命未當死之人。遭時衰微。兵革並起。不得終其壽。人命有長短。時有盛衰。衰則疾病。被災蒙禍之驗也。宋衛陳鄭。同日並災。四國之人。必有祿盛未當衰之人。然而俱災。國禍臨之也。故國命勝人命。壽命勝祿命。

凡言祿命。而能成理者。以此為勝。雖然。命者孰為之乎。命字之本。固謂天命。儒者既斥鬼神。則天命亦無可立。若謂自然之數。數由誰設。更不得其徵矣。然墨子之非命。亦僅持之有故。未能言之成理也。特以有命之說。使其偷惰。故欲絕其端耳。其非命下篇曰。『今天下之君子。之為文學。出言談也。非將勤能其頰舌。而利其唇吻也。中實將欲其國家邑里萬民刑政者也。今王公大臣。若信有命。而致行之。則必怠乎聽獄治政矣。卿大夫必怠乎治官府矣。農夫必怠乎耕稼樹藝矣。婦人必怠乎紡績織紵矣。』是故非命者。不必求其原理。特謂於事有害而已。夫儒家不信鬼神。而言有命。墨家尊信鬼神。而言無命。此似自相刺繆者。不知墨子之非命。正以成立宗教。彼

之尊天石鬼者。謂其能福善禍淫耳。若言有命。則天鬼為無權矣。卒之盜跖壽終。伯夷餓死。墨子之說。其不應者甚多。此其宗教所以不能傳久也。又凡建立宗教者。必以音樂莊嚴之具。感觸人心。使之不厭。而墨子貴儉。非樂。故其教不能逾二三百歲。已無雖然。墨子之學。誠有不逮孔老者。其道德則非孔老所敢窺視也。

次論陰陽家。陰陽家亦屬宗教。而與墨子有殊觀。墨子貴義篇云。『子墨子北之齊。遇日者。日者曰。帝以今日殺黑龍於北方。而先生之色黑。不可以北。子墨子不聽。遂北至淄水。不遂而返焉。日者曰。我謂先生不可以北。子墨子曰。南人不得北。北人不得南。其色有黑者有白者。何故皆不遂也。且帝以甲乙殺青龍於東方。以丙丁殺赤龍於南方。以庚辛殺白龍於西方。以壬癸殺黑龍於北方。以戊己殺黃龍於中方。若用子之言。則是禁天下之行者也。』蓋墨家言宗教。以善惡為禍福之標準。陰陽家言宗教。以趨避為禍福之標準。此其所以異也。或疑七畧以陰陽家錄入諸子。而數術自為一略。二者何以相異。答曰。以今論之。實無所異。但其理有淺深耳。蓋數術諸家皆繁碎占驗之辭。而陰陽家則自有理論。如鄒子四十九篇。鄒子終始五十六篇。鄒更子十二篇。觀史記孟荀列傳所述鄒衍之說。窮高極深。非專術家之事矣。南公三十六篇。即言楚雖三戶。亡秦必楚者。是為豫言之圖讖。亦與常占有異。如揚雄之

太玄司馬光之潛虛邵雍之皇極經世黃道周之三易洞璣皆應在陰陽家而不應在儒家六藝家此與著龜形法之屬高下固殊絕矣

次論縱橫家縱橫家之得名因於從人橫人以六國抗秦為從以秦制六國為橫其名為實不通於異時異處漢志所錄漢有蒯子五篇鄒陽七篇蒯勸韓信以三分天下鼎足而居鄒陽仕梁值吳楚昌狂之世其書入於縱橫家亦其所也其他秦零陵令信一篇主父偃二十八篇徐樂一篇莊安一篇侍詔金馬聊倉一篇身仕王朝復何縱橫之有然則縱橫者游說之異名非獨外交顯對之事也儒家者流熱中趨利故未有不兼縱橫者如墨子非儒下篇記孔子事足以明之

孔丘之齊見景公景公欲封之以尼谿晏子曰不可於是厚其禮留其封數見而不問其遂孔乃恚怒於景公與晏子乃樹鵠夷子皮於田常之門告南郭惠子以所欲焉歸於魯有頃間齊將伐魯告子貢曰賜乎舉大事於今之時矣乃遣子貢之齊因南郭惠子以見田常勸之伐吳以救高國鮑晏使毋得害田常之亂

越絕書內傳陳成恒篇亦記此事云子貢一出存魯亂齊破吳疆晉霸越是則田常欲君實孔子為之主謀沐浴請討之事明知哀公不聽特借此以自文此為詐讓之尤矣使辭利口覆邦亂家非孔子子貢為之倡耶莊子胠篋云田成子一旦殺齊君

而盜其國。所盜者豈獨其國耶。並舉其聖知之法而盜之。故竊鈞者死竊國者為諸侯。諸侯之門而仁義存焉。此即切齒腐心於孔子之事也。自爾以來。儒家不兼縱橫。則不能取富貴。余觀漢志。儒家所列。有魯仲連子十四篇。平原老七篇。陸賈二十三篇。劉敬三篇。終軍八篇。吾丘壽王六篇。莊助四篇。此外則有鄒生。漢初謁者。稱為大儒。而其人皆善縱橫之術。其關於外交者。則魯仲連說辛垣衍。鄒生說田橫。陸賈終軍。嚴助。諭南越。是也。其關於內事者。則劉敬請都關中。是也。吾丘壽王在武帝前。智略輻湊。傳中不言其事。壽王既與主父偃。徐樂。莊助同傳。其行事宜相似。而平原老。朱建者。則為辟陽侯竄食其事。游說嬖人。其所為愈卑鄙矣。縱橫之術。不用於國家。則用於私人。而持書求薦者。又其末流。曹丘通謁於季布。樓護傳食於五侯。降及唐世。韓愈以儒者得名。亦數數勝言。當通求為援手。乃知儒與縱橫相為表裏。猶手足之相支。毛草之相附也。宋儒稍能自奮。降及晚明。何心隱輩。又以此術自豪。及□□而稱理學者。無不習裨闔。知避就矣。孔子稱達者察言觀色。慮以下人。聞者色取行違居之不疑。由今觀之。則聞者與縱橫稍遠。而達者與縱橫最近。達固無以愈於聞也。程朱末流。惟是聞者。陸王末流。惟是達者。至於今日。所謂名臣大儒。則聞達兼之矣。若夫縱人橫人之事。則秦皇一統而後業已滅絕。故隋書經籍志中。惟存鬼谷三

卷而梁元帝所著補闕子與湘東鴻烈二書不知其何所指也

次論法家。法家者。略有二種。其一為術。其一為法。韓非子定法篇曰。『申不害言術。而公孫鞅為法術者。因任而授官。循名而責實。操殺生之柄。課羣臣之能者也。此人主之所執也。』法者。憲令著於官府。刑罰必於民心。賞存乎慎法。而罰加乎姦令者也。此臣之所師也。』然為術者。則與道家相近。為法者。則與道家相反。莊子天下篇說。『慎到之術曰。『椎拍輓斷。與物宛轉。推而後行。曳而後往。若飄風之還。若羽之旋。若磨石之隧。全而無非。動靜無過。未嘗有罪。』此老子所謂聖人無常心。以百姓為心也。此為術者與道家相近也。老子言民不畏死。奈何以死懼之。太史公酷吏列傳亦引法令滋章。盜賊多有之說。而云法令者。治之具。而非制治清濁之源。此為法者與道家相反也。亦有兼任術法者。則管子韓非是也。漢志管子列於道家。其心術白心內業諸篇。皆其術也。任法禁重令諸篇。皆其法也。韓非亦然。解老喻老。本為道家學說。少嘗學於荀卿。荀卿隆禮儀而殺詩書。經禮三百。固周之大法也。韓非合此二家。以成一家之說。亦與管子相類。管子幼官篇。與陰陽而後此者。惟諸葛亮專任法律。與商君為同類。故先主遺詔。令其子讀商君書。見其書。知其君臣相合也。其後周之蘇綽。唐之宋璟。庶幾承其風烈。然凡法家必與儒家縱橫家反。

對惟荀卿以儒家大師。而法家韓李為其弟子。則以荀卿本意在殺詩書。固與他儒有別。韓非以法家而作說難。由其急於存韓。故不得不兼縱橫耳。其餘則與儒家從縱橫。未有不反唇相稽者。商君外內篇曰。吳為淫道為辯。知者貴游。宦者任文學。私名顯之謂也。此兼拒儒與縱橫之說也。新令篇曰。六虱曰禮樂。曰詩書。曰修善。曰孝弟。曰誠信。曰貞廉。曰仁義。曰非兵。曰羞戰。此專拒儒家之說也。韓非說使篇曰。守度奉量之士。欲以忠嬰上而不得見。巧言利業。行姦軌以倖偷世者。數御六反篇曰。避居厚養。牟食之民也。而世尊之曰有能之士。曲語牟知。偽詐之民也。而世尊之曰辯智之士。此拒縱橫家之說也。五蠹篇曰。儒以文亂法。俠以武犯禁。顯學篇曰。藏書策習談論。聚徒役。服文學而議說。世主必從而禮之。國平則養儒俠。難至則用介士。所養者非所用。所用者非所養。此所以亂也。此拒儒家之說也。五蠹篇曰。明主之國。無書簡之文。以法為教。無先王之語。以吏為師。此拒一切學者之說也。至漢公孫弘董仲舒輩。本是經師。其時經師與儒已無分別。弘習文法吏事。而緣飾以儒術。仲舒為春秋決獄二百三十二事。以應廷尉張湯之問。儒家法家於此稍合。自是以後。則法家專與縱橫家為敵。嚴助伍被皆縱橫家。漢武欲薄其罪。張湯爭而誅之。主文偃亦縱橫家。漢武欲勿誅。公孫弘爭而誅之。而邊通學短長之術。亦卒譖殺張湯。諸葛治

賈實信必罰。彭萊李巖皆縱橫之魁桀。故萊誅而巖流。其於儒者則稍稍優容之。蓋時詘則詘。能俛首帖耳於法家之下也。然儒家法家縱橫家皆以仕宦榮利為心。惟法家執守稍嚴。臨事有效。儒家於招選茂異之世則習為縱橫。於綜覈名實之世則齟於法律。縱橫是其本真。法律非所素學。由是儒者自恥無用。則援引法家以為己有。南宋以後。尊諸葛為聖賢。亦可閤已。然至今日則儒法縱橫殆將合而為一也。次論名家。名家之說關於禮制者。則所謂「刑名從商。爵名從周。文名從禮」也。關於人事百物者。則所謂「散名之加於萬物者。則從諸夏之成俗曲期」也。莊子天下篇云。春秋以道名分。非特褒貶損益而已。穀梁傳曰。隕石於宋五。先隕而後石何也。隕而後石也。於宋西竟之內曰宋後數。散辭也耳。治也。六鵠退飛過宋都。先數聚辭也。自治也。石鵠且猶盡其辭。而況於人乎。說曰。隕石記聞也。聞其碩然視之則石。察之則五。六鵠退飛記見也。視之則六。察之則鵠。徐而察之則退飛。是關於散名者也。凡正名者亦非一家之術。儒道墨法必兼是學。然後能立能破。故儒有荀子正名。墨有經說上下。皆名家之真諦。散在餘子者也。若惠施公孫龍輩專以名家者聞。而苟為鉅析者多。其術反同詭辯。故先舉儒家荀子正名之說。以徵名號其說曰。何緣而以同異曰緣。天官凡同類同情者。其天官之意物也同。故比方之疑似而

通是所以共其約名以相期也。形體色理以目異。聲音清濁調竿奇聲以耳異。甘苦鹹淡辛酸奇味以口異。香臭芬鬱腥臊酒酸奇臭以鼻異。疾養滄熱滑鉞輕重以形體異。說故喜怒哀樂憂惡慙以心異。心有微知。微知則緣耳而知聲可也。緣目而知形可也。然則微知必將待天官之當簿其類然後可也。五官簿之而不知心微之而無說則人莫不然。謂之不知。此所緣而以同異也。然後隨而命之。同則同之。異則異之。單足以喻則單。單不足以喻則兼。單與兼無所相避則共。雖共不為害矣。故萬物雖眾。有時而欲偏舉之。故謂之物。物也者。大共名也。推而共之。共則又共。至於無共然後止。有時而欲偏舉之。故謂之鳥獸。鳥獸者。大別名也。推而別之。別而又別。至於無別然後止。物有同狀而異所者。有異狀而同所者。可別也。狀同而為異所者。雖可合。謂之二實。狀變而實無別而為異者。謂之化。有化而無別。謂之一實。此事之所以稽實定數也。此制名之樞要也。

按此說同異何緣。曰緣天官中土書籍少言緣者。故當徵之佛書。大凡一念所起必有四緣。一曰因緣。識種是也。二曰所緣緣。塵境是也。三曰增上緣。助伴是也。四曰等無間緣。前念是也。緣者是攀附義。此云緣天官者。五官緣境。彼境是所緣緣。心緣五官見分。五官見分是增上緣。故曰緣耳而知聲可也。緣目而知形可也。五官非心不

能感境故同時有五俱意識為五官作增上緣心非五官不能微知故復藉五官見分。為心作增上緣五官感覺惟是現量故曰五官縛之而不知心能知覺兼有非量比量初知覺時猶未安立名言故曰心微之而無詭微而無詭人謂其不知於是名字生焉大抵起心分位必更五級其一曰作意此能警心令起二曰觸此能令根官境識三和合為一三曰受此能領納順違俱非境相四曰想此能取境分齊五曰思此能取境本因作意與觸今稱動向受者今稱感覺想者今稱知覺思者今稱考察初起名字惟由想成所謂口呼意呼者也繼起名字多由思成所謂考呼者也凡諸別名起於取像故由想位口呼而成凡諸共名起於概念故由思位考呼而成同狀異所如兩馬同狀而所據方分各異異狀同所如壯老異狀而所據方分是同不能以同狀異所者謂為一物亦不能以異狀同所者謂為二物然佛家說六種言論有云眾法聚集言論者謂於色香味觸等事和合差別建立宅舍瓶衣車乘軍林樹等種種言論有云非常言論者或由加行謂於金段等起諸加行造環釧等異莊嚴具金段言捨環釧言生或由轉變謂飲食等於轉變時飲食言捨便穢言生見瑜珈師地論然則同狀異所者物雖異而名可同聚集萬人則謂之師矣異狀同所者物雖同而名可異如卵變為雞則謂之雞矣荀子未言及此亦其鑒有未周也次舉墨經以解

因明其說曰

故所得而後成也。上經小故有之不必然。無之必不然。體也。若有端。大故有之必無。然若見之成見也。體若二之一尺之端也。上經說

荀子惟能制名。不及因名之術。要待墨子而後明之。何謂因明。謂以此因明彼宗旨。佛家因明之法。宗因喻三分為三支。於喻之中。又有同喻異喻。同喻異喻之上。各有合離之言詞。名曰喻體。即此喻語。名曰喻依。如云聲是無常（宗）所作性故（因）一凡所作者皆是無常。同喻如瓶。凡非無常者皆非所作。異喻如太虛（喻）墨子之「故」即彼之「因」。必得此因而後成宗。故曰「故所得而後成也」。小故大故皆簡因喻過誤之言。云何小故。謂以此大為小之「因」。蓋凡「因」較宗之「後陳」。其量必減。如以所作成無常。而無常之中。有多分非作者。若海市蜃光。無常起滅。豈必皆是所作。然凡所作者。則無一不是無常。是故無常量寬。所作量狹。今此同喻合詞若云。凡無常者皆是所作。則有「倒合」之過。故曰「有之不必然」。謂有無常者不必皆是所作也。然於異喻離詞若云。凡非無常者皆非所作。則為無過。故曰「無之必不然」。謂無無常者必不是所作也。以體喻寬量。以端喻狹量。故云「體也若有端」。云何大故。謂以此大為彼大之因。如云聲是無常。不徧性故不

偏之與無常了不相關。其量亦無寬狹。既不相關。必不能以不偏之因成無常之宗。故曰「有之必無然」。二者同量。若見與見。若尺之前端後端。故曰「若見之成見也。體若二之一尺之端也」。近人或謂印度三丈。即是歐洲三段。所云宗者。當彼斷按所云因者。當彼小前提。所云同喻之喻體者。當彼大前提。特其排列逆順。彼此相反。則由自悟。悟他之不同耳。然歐洲無異喻。而印度有異喻者。則以防其倒合。倒合則有減量換位之失。是故示以離法。而此弊為之消弭。村上專精。據此以為因明法式。長於歐洲。乃墨子於小故一條。已能出此。是亦難能可貴矣。若題三足狗。非犬之類。詭辯繁辭。今姑勿論。

次論離家。離家者。兼儒墨。合名法。見王治之無不盡。此本出於議官。彼此異論。非以調和為能事也。呂氏春秋淮南內篇。由數人集合而成。言各異指。固無所害。及以一人為之。則漫美無所歸心。此漢志所以譏為謾者也。韓非子顯學篇曰「墨者之葬也。冬日冬服。夏日夏服。桐棺三十。服喪三月。世以為儉而禮之。儒者破家而葬。服喪三年。大毀扶杖。世以為孝而禮之。夫是墨子之儉。將非孔子之侈也。是孔子之孝。將非墨子之戾也。今孝戾儉侈。俱在儒墨。而上兼禮之漆雕之議。不色挽不目遮。行曲則違於臧獲。行直則怒於諸侯。世主以為廉而禮之。宋榮子之議。設不鬥爭。取不隨。

仇不羞。因圖見侮不辱。世主以為寬而禮之。夫是漆雕之廉。將非宋榮之恕也。是宋榮之寬。將非漆雕之暴也。今寬廉恕暴俱在二子。人主兼而禮之。自愚誣之。學雜反之。辭爭。而人主俱聽之。故海內之士。言無定術。行無常議。夫冰炭不同器。而久寒暑不兼時。而至雜反之學。不兩立而治。今兼聽雜學。謬行同異之舉。安得無亂乎。韓非說雖如是。然欲一國議論。如合符節。此固必不可得者。學術進行。亦藉互相駁難。又不必偏廢也。至以一人之言。而矛盾自陷。俛仰異趨。則學術自此衰矣。東漢以來。此風最盛。章氏文史通義謂近人著作。無專門可歸者。率以儒家雜家為蛇龍之蓋。信不誣也。

次論農家。農家諸書。世無傳者。汜勝之書。時見他書徵引。與賈思勰之齊民要術。王桢之農書。義趣不異。若農家止於如此。則不妨歸之方技。與醫經。經方同列。然觀志所述云。『鄙者為之。以為無所考。』欲使君臣並耕。詩上下之序。則許行所謂神農之言。猶有存者。韓非顯學篇云。『今世之學士。語治者。多曰與貧窮地以實無。』是即近世均地主義。斯所以自成一家。焉。

次論小說家。周秦西漢之小說。似與近世不同。如周考七十六篇。青史子五十七篇。臣壽周紀七篇。虞初周說九百四十三篇。與近世雜史相類。比於西京雜記四朝聞

見錄等。蓋差勝矣。賈誼嘗引青史。必非謬悠之說可知。如伊尹說二十七篇。鬻子說十九篇。宋子十八篇。待詔臣安成未央術一篇。則其言又兼黃老。莊子天下篇。舉宋鉅尹文之術。列為一家。荀卿亦與宋子相難。今尹文入名家。而宋子祇入小說。此又不可解者。以意揣之。宋子上說下教。強聒不舍。（見莊子天下篇）蓋有意於社會道德者。所列黃老諸家。宜亦同此街談巷議。所以有益於民俗也。笑林以後。此指漸衰。非葛洪之議矣。

上來所述諸子。凡得十家。而漢志稱九流者。彼云九家可罷。蓋小說特為附錄而已。就此十家論之。儒道本同源。而異流。與雜家縱橫家合為一類。墨家陰陽家為一類。農家小說家為一類。法家名家各自獨立。特有其相通者。

駁中國用萬國新語說

巴黎留學生相集作新世紀謂中國當廢漢文而用萬國新語。蓋季世學者好尚奇。駭震懾于白人侈大之言。外務名譽。不暇問其中失所在。非獨萬國新語一端而已。其所執守。以象形字為未開化人所用。合音字為既開化人所用。且謂漢文紛雜。非有準則。不能視形而知其字。故當以萬國新語代之。余聞風律不同。視五土之宜。以分其剛柔侈斂。是故吹萬不同。使其自己前者唱喁。後者唱于。雖大巧莫能齊也。萬

國新語者。本以歐洲為準。取其最普通易曉者。糅合以成一種。于他洲未有所取也。大地富媪博厚矣。殊色異居。非白人。所獨有。明其語。不足以方行世界。獨在歐洲。有交通之便而已。歐洲諸語。本自希臘羅甸。尊乳以成波瀾不二。然改造者。不直取希臘羅甸之言。而必以萬國新語為幟者。王由古今異撰。弗可矯揉。以此相糅。則漢語之異於萬國新語。視萬國新語之異於希臘羅甸。其遠彌甚。在彼則以便俗為功。在此則以戾匡從事。既遠人情。亦自相牴牾甚矣。若夫象形合音之別。優劣所在。未可質言。今者南至馬來北抵蒙古。文字亦悉以合音成體。彼其文化。豈有優於中國哉。合音之字。視而可識者。徒識其音。固不能知其義。其去象形。差不容以一黍。故俄人識字者。其比例猶視中國為少。日本人既識假名。亦並粗知漢字。漢字象形。日本人識之。不以為奇。恆難了。是知國人能偏知文字以否。在強迫教育之有無。不在象形合音之分也。識字之難。未若辨別草木。草木形類而難分。文字形殊而易別。然諸農圃。識草木必數百種。尋常雜字。足以明民共財者。亦不逾數百字耳。治文學者。猶采藥之夫。治小學者。猶博物之彥。雖稍艱阻。不必夫人而能之也。古之小學。習書計與五甲六方。故人人知文字。計之粗者。棄除開方諸術。習之易矣。然今世士人。尚非盡人能解。豈漢算獨難治哉。士人知書而愚於計。商賈識計而短於書。由其用有緩急。

故治之有先後也。至于庶業滋繁。飾偽萌生。人不知書。則常苦為人所詐。夫農夫操耒若無事於知書。乃至陶人埴土。梓匠營宮。婦功刺繡。錦官織纈。工藝精良。視農耕為難習矣。然皆十口相傳。不在載籍。當其習此。以為文字非所急圖。出而涉世。乃自悔其失學。書札契券。計簿之微。猶待他人為之營治。欺詐不可以猝曉。隱曲不可以自藏。斯亦夷然自咎也。若豫覩知書之急。誰不督促子弟。以就學者。重以強迫教誨。何患漢字之難知乎。或言日本雖用漢字。凌雜無純。文紐亦可觀矣。漢人守之其不利。亦將等乎日本。此未辨清濁之原也。日本語言。故與漢語有別。強用其文。以為表識。稱名既異。其發聲又財及漢音之半。由是音讀訓讀。所在紛拏。及空海作假名。至今承用。和漢二書。又相孱弱。夫語言文字。出于一本。獨日本則為二本。欲無凌雜。其可得乎。漢人所用。顧獨有漢字耳。古今語雖少不同。名物猶無大變。至于儻偶相呼。今昔無爽。助詞發語之聲。世俗瞽儒。疑為異古。余嘗窮究音變。明其非有差違。作釋詞七十餘條。用為佐證。今舉數例。孔之與好。同訓為嘉。古音本以旁紐雙聲相轉。故釋器云。肉倍好好倍肉者。好即借為孔字。古者謂甚曰孔。今者謂甚曰好。好大快。若古語則言孔大孔快矣。小爾雅肆訓極。說文肆訓極。陳大雅其風肆好。肆好者極好也。今遼東謂極備曰有得肆。蘇州謂極熱曰熱得肆。訓肆為極。是與古同。肆殺同。

部去入一聲。故夏小正經子肇肆。傳謂肆借為殺。宋人謂極好曰殺好。即古言肆好矣。今人謂極陳力曰殺力。即常言肆力矣。說文相從目聲。亦從里聲作裡。考工記里為式。即己為式。明古音里與呂同。古人說過去事。語終言矣。今人說過去事。語終言哩哩。即矣之聲變也。商書以呢為福。釋獸以泥為闌。明古音泥與爾同。詞之必然。古語言爾。今語言呢。呢即爾之本音也。乃至楚人發語言羌。今湖北黃梅人冠語多用羌字。音斂如姜。釋話訓都為於。今江南蘇州人言於。則用都字。音促如篤。此則通言別語。詞氣皆與古符。由此以雙聲疊韻展轉鉤挽。今之詞氣蓋無一不與雅訓相會者。百代彙編。渙爾冰釋。況諸名物取捨之詞。而有與故言相失者耶。特世人鮮通韻學。音聲小變。即無以知所從來。若循法言切韻之例。一字數音。區其正變。則雖謂周漢舊言猶存今世可也。況其文字本出一塗。不以假名相雜。與日本之凌雜無記者。所陌有殊憂其同病。所謂比擬失倫者哉。或疑方土不同。一道數府之間。音已互異。名物則南北大殊。既難齊一。其不便有莫甚者。同一禹域之民。而對語或須轉譯。曷若易之為便。抑以萬國新語。易漢語視以漢語。南北互輸。孰難孰易。今各省語雖小異。其根柢固大同。若為便俗。致用計者。習效官音。應非難事。若為審定言音計者。今之聲韻。或正或訛。南北皆有偏至。北方分紐。善符于神珙。而韻略有玉胡。廣東辨韻。眇

合于法言。而紐復多般混南北相校。惟江漢處其中。流江陵武昌韵紐皆正。然須旁采州國以成夏聲。若風聲本在侵部。而江甯言風音猶作方林切。庚聲本在陽部。而蘇州言庚音猶作古郎切。此合于周秦本音者。松之音所在皆切相容。而黃州廣州呼松者猶作祥容切。鳥之音所在皆切女了。而湖南江左呼鳥者猶作都了切。此合于隋唐切韻者。既以江漢間為正音。復取四方曲則之聲。用相和會。則聲韵其無謬矣。故訓衰微。留者可窺。此在南北亦皆互有短長。閩嶠之言。至詰詘也。然而稱一為蜀。呼事為戴。讀火如燮。乃毛傳方言之故訓。中原板蕩。佚在東南。可謂邊方無典語耶。秦蜀荆楚之言。至通達也。然而冰出為凌。見諸國風官禮。他方無舉此者。淮西猶謂雨而木冰為油光。凌暴雨為凍。微之楚辭淮南。他方無舉此者。川陝間猶謂夏月暴雨為偏凍雨。可謂中原無別語耶。若知斯類。北人不當以南紀之言為磔格。南人不當以中州之語為冤句。有能調均殊語。以為一家。則名言其有則矣。若是者。誠不若苟習官音為易。視彼萬國新語。則難易相距。猶不可以籌策計也。必欲盡廢漢文。而用萬國新語者。其謬則有二事。一若欲統一語言。故盡用其語者。歐洲諸族。因與原語無大差違。習之自為徑易。其在漢土。排列先後之異。紐母繁簡之殊。韵部多寡之分。器物有無之別。兩相徑挺。此其華華大者。強為轉變。欲其調達如鶯。固不能矣。

乃夫丘里之言徧冒衆有人情互異。雖欲轉變無由。杜爾斯克氏言。中國通字他方任用何文。皆不能譯。夫不能譯者。非絕無擬議之詞也。要之封域大小。意趣淺深。必不能以密切猥用彼語以相比。況將何以宣達職志。條色性情。此蓋非一道字而已。其用於屈伸取捨者。某宣教師亦為余言。漢語有獨秀者。如持者。通名也。高而舉之曰。抗。俯而引之曰。提。束而曳之曰。掙。擁之在前曰。抱。曳之自後曰。挽。兩手合持曰。奉。肩手任持曰。擔。并力同舉曰。臺。獨力引重曰。扛。如是別名。則他國所無也。今自廢其分明者。而取他之提合者。言以足志。宜何取焉。及如械器有無。東西殊貴。食有竹箸。賭有圍棋。樂器有簫管笙磬之殊形。衣服有袍袂衫襦之異用。若此類者。殆以百數。夫稱帽為冠。以簪為案。正名者。猶云不可。況或本無其器。而皮傳為名乎。夫兩語相涵。繁簡多寡之不相當。既如是矣。且一字而引伸為數義者。語必有根。轉用新語。彼此引伸之義。其餘實不皆相準。是則杜絕語根也。尋常稱謂之詞。復有志而晦者。今人尊敬之言。曰「台」。曰「令」。台之語。本于三能。三足。豔謂之能。魁下六星。兩兩相比似之。故曰三能。古音能與台同。故或書作三台。以比三公。而尊稱曰台者。自三能來。今若謂人為豔。本有不色然怒者。稱之以台。則為尊敬。此由古今語變。今時已無有呼豔為能者。況令之語。本于靈。靈者巫也。上古重神事。故靈引伸為善。假借作

今尊稱曰令者自雷子來今若比人以巫則侮慢語也而稱令願為尊號此由古今語異今時已無有呼巫為靈者爾若其轉為新語況以尊貴之語代合以良善之語代令則粗糲而失語概若質譯為贅為巫則不可以為尊敬之詞夫尋常譯述得其大義可也至於轉變語言必使源流相當而後可況則失審切則失情將以何術轉變之也且萬國新語者學之難耶必不能舍其土風而新是用學之易耶簡單之語上不足以明學術下不足以道情志苟取交通若今之通郵異國者用異國文字可也甯當自廢漢語哉豈直漢語爾印度歐洲諸語猶合保存蓋學之近質者非絲密樂運之詞不足宣也今之持無政府主義者欲廢強權豈欲廢學術耶學之近文者其美乃在節奏句度之間不專以文辭為準若其紐母不同韻部有異名詞長短往復皆殊則在彼為至美者於此乃反為備劣攏倫之語西方以為悽愴研麗矣譯為漢文則率直不足觀采其稍可者必增損其文身句身強以從我此猶治璞玉者施以刻雕非其舊式然也由是知漢上篇章之美者譯為歐文轉為萬國新語其率直鮮味也亦然本為諧韻轉之則無韻本為雙聲轉之則異聲本以數音成語轉之則音節冗長失其同律是則杜絕文學歸于樸儷也當見諸岳鄂王詞者合以風琴聲遂沈濁彼其朱弦疏越用之廟堂施之宗教宜以是為上宮而漢土詞曲音取悲涼

惟笛能諧其聲。氣風琴。曄緩清濁異宜。故聞者幾於思。卽夫以樂器準音絲竹。猶勿能相代。况復言語有差。其不相值也明矣。若徒以交通為務。舊所承用一切芟夷。學術文辭之章章者。甚則棄捐。輕乃裁減。斯則其道大虧。非宜民之事也。

二若謂象形不便。故但用其音者。文明野蠻。吾所不論。然言語文字者。所以為別聲。繁則易別。而為傷聲。簡則難別。而為劣。日本嘗欲用羅甸字母。以彼發音簡少。故羅甸足以相資。漢土則不然。縱分音紐。自梵土悉曇而外。紐之繁富。未有過于漢土者也。橫分音韻。梵韻復不若漢韻繁矣。視歐洲音。直數語耳。昔自漢末三國之間。始有反語。隋之切韻。以紐定聲。舍利神珙諸子。綜合其音。參取梵文字母聲勢之法。分列八音。至今承用者。為字母三十六。而聲勢復在其外。以現有法言切韻也。今之韻部。著于唇舌者。慮不能如舊韻之分明。然大較猶得二十。計紐及韻可得五十餘字。其視萬國新語。以二十八字母含孕諸聲者。繁簡相去至懸遠也。河淮江漢之間。侯之與真。覃之與寒。韻部絕遠。而或轉相提掇。廣東呼侯覃部字則合口。呼真寒部字則開口。區以別矣。青之與真。韻部相望。若比鄰。中原亦轉相迤入。廣東呼真部字。則收鼻推氣言之。呼青部字。則橫口斂氣言之。然若呼兩為以。讀居成箕。則不逮中原之正。凡此分別歐洲之音。不能具也。字母三十六者。本由華嚴四十二字。增損以成漢

梵發音亦有小別故不得悉用華嚴乃如非數奉娘四紐梵音所無錢大昕已明其義蓋自孫炎韋昭徐仙民李軌劉昌宗諸家各為反語揚摧可知然重唇輕唇至中唐始有分辨舌頭舌上亦遂析為二音此至今無替者也漢音所以異者在舌上知徹澄三紐江左呼之幾與照穿牀等閑廣則或迤入喉牙自此數省而外分書至嚴呼中者不得同宗言且者不可作醜讀亡者不能似樹蓋婦孺所知矣若如歐洲之音齒音照紐尚不能實直出聲至舌上知徹澄等則無音可以模寫余昔視梵文字母有縹妃茶三音謂與此土知徹澄等及就問印度人猶云作多佗陀（讀入麻部）惟縹妃茶之音亦得令其切出歐洲則一切闕之與白人語北言直隸南言鎮南關直云鎮云必訛變其音以就彼是三紐者蓋漢土卓特之音日本人亦弗能道是也若夫正齒有照穿牀審禪五紐齒頭則以精清從心邪相副得其半音禹域而外孰能具此且正齒齒頭當日析為十紐若從簡易即分等之術耳同在一紐而音有四等之殊故夫見之與齒齒之與坤其鴻纖必有辨也審紐祇隸正齒而北音或選入舌上是舌上復增一紐舌頭定母所隸同徒諸字今呼者不純如定乃在定透之間亦如曉喻相礙其間復出匣母故以此三十六者按等區分其音且將通瓦韵以四聲為劑亦有八十餘音二者并兼則音母幾將二百然皆堅完獨立非如日本五

十假名刪之不過二十音也。甯有二十八字之體文。遂足以窮其變乎。夫聲音繁簡。彼是有殊。非直新語合音之法。不可單行。縱盡改吾語言。以就彼律。抑猶有詰詘者。是何也。常言雖可易。而郡國姓名諸語。必不可易。屈而就彼音。既舛。則失其本名。何以成語。或言漢音雖繁。然譯述他國固有名詞。亦少音和而多類隔。要在得其大致而已。準是則以新語譯漢土舊名。小有盈朒。亦無害焉。應之曰。以漢語譯述者。漢人也。名從主人。號從中國。他方人地。非吾所習。狎者雖音有舛。侈何害。今以漢人自道鄉里。而聲氣差遠。則不可以此相例。亦明矣。蓋削趾以適屨者。工之愚也。戕杞柳以為栝橈者。事之賊也。頃者日本人創漢字統一會。欲令漢人諷誦漢文。一以日本尤奇之音為至今之欲用萬國新語者。亦何以異是耶。日漢字所以獨用象形。不用合音者。慮亦有故。原其名言符號。皆以一音成立。故音同義殊者眾。若用合音之字。將茫昧不足以為別。況以地域廣袤。而令方土異音。合音為文。逾千里則弗能相喻。故非獨佗方字母。不可用於域中。雖自取其紐韻之文。省減點畫以相緝切。其道猶困而難施。自韻籀斯邈以來。文字皆獨標部首。據形系聯者。其勢固不得已也。由斯二義。盡用彼語。則吐辭述學。勢有不周。獨用彼音。則繁簡相舛。聲有未盡。讀者不深惟其利病。而僥焉以除舊布新為號。豈其智有未喻。亦驚名而不求實之過歟。雖

國朝文匯

卷十七

二十一

國學扶輪社印

然輔漢文之深密使易能易知者則有術矣一欲使速於疏寫則人人當兼知章草漢世制詔三王其冊書猶真草兼具豈況符契箋奏之書日不暇給則何取端書分隸草書之作導源先漢故由隸體遷移若夫裨諶草創難知其審而阮氏鍾鼎款識謂周世自有草篆則過索雁器為不根之談也要之漢初文吏辭尚簡嚴猶以草書綴屬今之繁辭則宜用草書審矣大抵事有緩急物有質文文字宜分三品題署碑板則用小篆雕刻冊籍則用今隸至于倉卒應急取備事情則直作草書可也然自張旭懷素以來恣意鉤聯形骸已甚當依急就正書字各分區無使聯絲難斷而任情損益補短截長以求側媚者一切遮禁字形有定則無由展轉紛歧此非獨便于今隸視歐文亦愈徑省何者本以一音為一文非以數音成一語也二若欲易于審識則當略知小篆稍見本原初識字時宜教以五百四十部首若又簡畧雖授「文」字蒙求「可」也凡兒童初引筆為畫今隸方整當體則難小篆詘曲成畫反易且日月山水諸文宛轉悉如其象非若隸書之局就準繩與形相失當其知識初開一見字形乃如畫成其物踴躍歡喜等乎熙游其引導則易矣象形之與合音前者易知其義難知其音後者易知其音難知其義何者今當初識字時但知魚鳥二文則凡從魚之字不為魚名即為魚事從鳥之字不為鳥名即為鳥事可以意揣度得之縱

予假借未明本形本義。思則過半。嘗有人言。學者相聚說感慨字。漢書皆作感。然一科舉人感之曰。此謬語也。慨自心出。非自木出。何以字當從木。此雖昧于假借。然本義本形。自當作慨。科舉人所說。固于小學非甚戾也。然則畧知部首於所隸屬之字。雖未了知定義。而較略可以意窺。異乎合音之字。其大義無由懸揣。故象形與合音者。得失為相戾。特隸書省變之文。部首已多般亂。故五百四十小篆為初教識字之門矣。若欲了解定音。反語既著。音自可知。然世人不能以反語得音者。以用為反語之字。非有素定。尚不能知反語之定音。何由知反語所切者之定音哉。若專用見谿以下三十六字。東鍾以下二百六字為反語。但得二百四十二字之音。則餘音自可覩矣。然此可為成人長者言之。以教兒童。猶苦繁冗。又況今音作韻。非有二百六部之多。其字自當并省。欲使兒童視而能了。又非以反語注記字旁。無由明瞭。而見谿諸文。形體茂密。復不便于旁注。於是自矜通悟者。作為一點一畫。縱橫回復。以標識字音。先後作者。蓋四五輩矣。然皆不可施用。是何故。今人發語之音。上組下韻。經緯相交。除去四等四聲。可以規圓識別。其本母必不損五六十字。而今之作者。既于韻學。茫無所了。又復自守鄉土。不偏方音。其所創造。少者財十餘字。多乃不踰三十。以此相切。聲之闕者方多。曾何足以集用歟。又其惑者。乃謂本字可廢。惟以切音成。

文斯則同音而殊訓者。又無以為別也。重紐則疑眩後生。卒以世所公非。不見採用。而定音遂無其術。余謂切音之用。祇在箋識字端。令本音盡然可曉。非廢本字而以切音代之。紐韻既繁。徒以點畫波磔粗細為分。其形將匱。況其體勢折旋略同。今隸易于屏入正文。誠亦有不通者。故嘗定紐文為三十六。韻文為二十二。皆取古文篆籀徑省之形。以代舊譌。既有典則。異于鄉壁虛造所為。庶幾足以行遠。其詳如左。
紐文三十六

喉音 (亦曰深喉音)

丨 今隸作丨。唐韻古本切。即舊見母。

凵 今隸作凵。唐韻口犯切。即舊溪母。

乚 今隸從小篆作乚。唐韻巨立切。即舊羣母。

ㄣ 今隸作ㄣ。唐韻魚廢切。即舊疑母。

牙音 (亦曰淺喉音)

一 今隸作一。唐韻於悉切。即舊影母。

厂 今隸作厂。唐韻呼早切。即舊曉母。

乚 今隸作乚字。亦作𠂔。唐韻烏轄切。即舊喻母。

ㄇ 今隸作ㄇ。唐韵乎感切。即舊匣母。

舌頭音

ㄋ 今隸作ㄋ。唐韵都牢切。即舊端母。

ㄌ 今隸作ㄌ。唐韵它魯切。即舊透母。

ㄐ 今隸作ㄐ。唐韵徒蓋切。即舊定母。

ㄑ 今隸作ㄑ。唐韵奴亥切。即舊泥母。

舌上音

ㄒ 今隸作ㄒ。唐韵陟格切。即舊知母。

ㄔ 今隸作ㄔ。唐韵丑列切。即舊徹母。

ㄕ 今隸作ㄕ。唐韵直呂切。即舊澄母。

ㄖ 今隸作ㄖ。唐韵尼呂切。即舊娘母。

正齒音

ㄗ 今隸作ㄗ。唐韵之若切。即舊照母。

ㄘ 今隸作ㄘ。唐韵昌緣切。即舊穿母。

ㄙ 今隸作ㄙ。唐韵鉏里切。即舊牀母。

尸 今隸作尸。唐韵式脂切。即舊審母。

十 今隸作十。唐韵是執切。即舊禪母。

齒頭音

巳 今隸作巳。唐韵子結切。即舊精母。

十 今隸作七。唐韵親吉切。即舊清母。

△ 今隸作△。唐韵秦入切。即舊從母。

○ 今隸作△。經典相承。以私為之。唐韵息夷切。即舊心母。

尸 今隸作尸。唐韵祥易切。即舊邪母。

重唇音

八 今隸作八。唐韵博拔切。即舊幫母。

米 今隸作木。唐韵匹及切。即舊滂母。

白 今隸作白。唐韵旁陌切。即舊並母。

几 今隸作几。唐韵莫狄切。即舊明母。

輕唇音

匚 今隸作匚。經典相承。以方為之。唐韵府良切。即舊非母。

ㄣ 今隸作ㄣ。唐韵分勿切。即舊數母。

ㄣ 今隸作ㄣ。唐韵房容切。即舊奉母。

ㄣ 今隸作ㄣ。唐韵無沸切。即舊微母。

半舌音

ㄣ 今隸作了。唐韵盧烏切。即舊來母。

半齒音

ㄣ 今隸作ㄣ。唐韵人計切。即舊日母。

右紐文三十六。作一等規左下。作二等規左上。作三等規右上。作四等規右下。

本在其等者不規。

韵文二十二

工 今隸作工。唐韵古紅切。即舊東冬鍾韻。

𠂔 今隸作𠂔。唐韵苦江切。即舊江韻。

ㄣ 今隸作ㄣ。相承從俗作ㄣ。唐韵古薺切。即舊蒸登韻。

今 今隸作今。唐韵居音切。即舊侵韻。

日 今隸作日。唐韵古三切。即舊覃談凡韻。欲作鹽添咸銜廉韻者。照其字下。

八 今隸作𠂔。唐韵居之切。即舊之韵。欲作哈韵者。點其字下。

半 今隸作𠂔。唐韵語求切。即舊幽尤韵。今音呼侯韵。亦入此。

呂 今隸作𠂔。唐韵於亮切。即舊宵肴韻。今音呼蕭韵。亦入此。

𠂔 今隸作𠂔。唐韵虎何切。即舊歌戈韵。

𠂔 今隸作𠂔。唐韵去魚切。即舊魚韵。今音呼虞韵。亦入此。

𠂔 今隸從小篆作𠂔。唐韵荒烏切。即舊模韵。

王 今隸作𠂔。唐韵兩方切。即舊陽唐韵。

𠂔 今隸作𠂔。唐韵古莢切。即舊耕清青韵。今音呼庚韵。亦入此。

巾 今隸作𠂔。唐韵居銀切。即舊真臻韵。

𠂔 今隸從小篆作𠂔。唐韵王分切。即舊諄文殷魂痕韵。

𠂔 今隸作𠂔。唐韵戶恢切。即舊灰微韵。

𠂔 今隸從小篆作𠂔。唐韵戶關切。即舊元桓韵。

𠂔 今隸作𠂔。唐韵苦寒切。即舊寒刪山韵。

𠂔 今隸作𠂔。唐韵去虔切。即舊先韵。今音呼仙韵。亦入此。

𠂔 今隸作𠂔。唐韵戈支切。即舊支韵。欲作佳皆韵者。點其字下。

宋 今隸作禾。唐韵古今切。即舊脂齊韵。

月 今隸作牙。唐韵五加切。即舊麻韵。

右韵文二十二。皆用平聲深喉淺喉之字為之。作上規左上。作去規右上。作入規右下。

如是上紐下韵相切成音。凡說文玉篇廣韵所著反語字作某紐某韵者。皆悉改從紐文韵文類為音表。音表但記音聲略及本書僮竹筍以此標識其旁。則定音自可得矣。然當其始入蒙學。即當以此五十八音。諦審教授。而又別其分等分聲之法。方及三旬。音已清遞。然後書五百四十部首。面作小篆。背為今隸。悉以紐韵作切識其左右。計三四月。而文字部居形義相貫。不愆于素。乃以恆用各字授之。亦悉以紐韵作切識其左右。計又得四五月。而僮子應識之字備矣。程功先後無過期年。自是以降。乃以蒙學課本為之講說。形體音訓。根柢既成。後雖廢學。習農圃陶章之事。以之記姓名而書簿領。不患其富。若猶有不識者。音表具在。足以按切而知。何慮其難。嗟耶。凡諸人事。苟偷于前者。其難在後。審察于始者。易乃在終。今教兒童習書。素無審音之術。蓋非不知其善。徒畏難耳。及其據字授音。旋得旋失。有入學四五年。而才識百許字者。偷計一時之便。而廢數歲之功。無算已甚。震於泰西之士。乃以漢字難知。

便欲率情改作。序之其所專用者。聲音則省削而不周。義訓則華離而難合。用其語也。此以一音成義。造次易周。詭效歐風。其時閒將逾三倍。妨功虧計。所失滋多。若乃著之管籥。則以新語作一草書。視以漢語作一草書。一繁一省。按體可知。既廢時日。而又空積簡書。滋為重滯。其不適至易明矣。用其音也。吾所有者。彼所素無。吾所無者。亦或彼所適有。強以求諧。未有切音之用。蓋莊生有言曰。鳧脰雖短。續之則憂。鵲脰雖長。斷之則悲。故性長非所斷。性短非所續。無所去憂也。今以中國字母施之歐洲。則病其續短矣。乃以歐洲字母施之中國。則病其斷長矣。又況其他損害。復有如前所說者哉。世之君子。當以實事求是為期。毋沾沾殉名是務。欲求行遠。用萬國新語。以省象譯可也。至于漢字。更易既無術。從而繕治。則教授疏寫。皆易為功。蓋亦反其本矣。

作此說。竟見新世紀中。又有改良漢語之議。亦以排列不同。懷有質礙。故欲使漢語詞氣種種與萬國新語相當。如多數之名。下必加以「們」字。形容之語。下必加以「的」字。是也。不悟今世語言。本由古言轉。聲音聲流行。或有小殊。而詞氣皆如舊。昔今人讀周秦兩漢之書。惟通小學者。為能得其旨趣。此由古今語異。聲氣漸差。故非式古訓者。莫能理董。其詞氣固非有異也。魏晉以降。略晚文學者。能讀

之矣。自宋以降。略識助字者能讀之矣。里言小說。但識俗字者能讀之矣。是無他。詞氣本同。故通曉為易耳。今若恣情變亂。以譯萬國新語。則易以讀。舊有之典。藉則難。凡諸史傳文辭。向日視而能了者。今乃增其隔閡。語言之用。以譯他國語。為急耶。抑以解吾故有之書為急耶。彼將曰。史傳者。蒿里死人之遺事。文辭者。無益民用之浮言。雖悉棄捐可也。不悟人類所以異鳥獸者。正以其有過去未來之念耳。若謂過去之念。當令掃除。是則未來之念。亦可遏絕。人生亦知此瞬間已耳。何為懷千歲之憂。而當營營於改良社會哉。縱令先民典記。非資生之急務。契券簿錄。為今人所必用者。亦可暫然不解乎。方今家人婦孺之間。縱未涉學。但略識千許字。則里言小說。猶可資以為樂。一從轉變。將水滸傳儒林外史諸書。且難卒讀。而歡愉自此喪。憤鬱自此生矣。彼意本以漢文難了。故欲量為革更。及革更之令。讀書者轉難于昔。甚矣其果於崇拜歐洲。而不察吾民之性情士用也。又謂漢字當用其最普通者。其他悉從淘汰。是又與漢字統一會同其迷謬而已。彼所謂普通。以何者為準耶。今雖建宅宛平。宛平之語。未可為萬方準則。凡諸通都省會之間。舊語存者。以千百數。其字或世儒所不識。而按之雅記。皆有自來。即前所舉油光凌偏凍雨諸條。皆非窮鄉奇謠之言也。綜而存之。其字數當過常文三倍。若其自尊鄉

曲以一己所聞知為最普通者以一己所不聞知即謂之不普通者名為目營四海實乃與里巷書夫同其俗陋斯亦撒落不材之至矣又謂改良漢字惟取點畫直豎右戾四者以為交叉鈎乙左戾諸形一切廢棄其存者復為鈍勢不見鋒芒此又無所取義率情高下與兒童語無異原其用意殆為習用鉛筆計耳蓋漢土嘗用鉛筆矣楊雄與劉歆書言『以鉛搗次之於槌』緯書記孔子請易復有『鐵搗三折之文』是鉛鐵並可作筆也然後生覺其匡刺而以鹿豪兔豪代之楊雄書中已云『三寸弱翰』尚觀武王銘筆亦且云『豪毛茂茂』矣蓋上世惟用鉛鐵周漢之間鹿豪始作猶與鉛鐵並用崔豹古今注曰『蒙恬始作秦筆以柘木為管鹿毛為極羊毛為被所謂鹿豪非兔豪竹管也』王羲之筆經曰『漢時諸郡獻兔豪惟有趙國蒙中用』是時兔豪作矣顧表錄異曰『番禺地無狐兔昭富春勤等州則擇雞毛為筆其用也亦與兔豪無異』是故雞毛筆者自南方來所引諸書皆見展轉蛻變蒙之製造愈良而鉛鐵遂廢不用歐洲則訖今未改以筆言之亦見漢土所用為已進化而歐洲所用為未進化也彼固以進化為美談者曷不曰歐人作書當改如漢文形態乃欲使漢字去其鋒芒抑何自相攻伐耶今觀漢土羊兔諸豪轉移徑便其紙薄者用竹厚者用楮皆輕利勝于歐洲

諸子在巴黎習用鉛筆。則言鉛筆之善。向若漂流絕域。與赤黑人相處。其不謂蘆
管葉勝于竹紙者幾希。嗚呼。貴頭之衣。本自賂越為之。漢書地理志。傳耳珠。屨民皆
師古曰。者時從頭而貴之。南齊書曰。扶南國。女歐洲人亦服焉。而見者以為美於
為。頭扶南。即今暹羅。句是。僂耳俗。與句近也。歐洲人亦御焉。而見者以為
漢衣刀叉之具。本自匈奴用之。漢書匈奴傳。單于以歐洲人亦御焉。而見者以為
美於漢食。趣時之士。冥行盲步。以逐文明。乃往往得其最野者。亦何可勝道哉。

春秋平議 皮錫瑞

春秋始萌芽。蓋在厲王流彘以後。詩序所謂小雅盡廢。孟子所謂詩亡。故年表始共
和。明厲王以上。編年之書未作。文不足徵。經原後百餘年。而隱公攝位。魯之春秋由
此始。百國春秋。非同時俱起。亦猶變風始作。每君子修之。猶曰述而不作。蓋因周典
以緯行事。非有創制之論也。皮錫瑞以為春秋本無凡例。此左氏先儒所同。余謂左
氏春秋。故訓宜從漢師。凡例宜從杜氏。何者。孟子有言。其事則齊桓晉文。其文則史
其義則丘。竊取之矣。按公羊傳。亦云春秋之信史也。其序則齊桓晉文。其會則主會
孟子非孟子。本公羊桓譚云。左氏傳。後世百餘年。授梁傳。始作公羊。又在後。然則
梁子亦在孟子後。無論公羊矣。世人誤信。戴宏應說。謂公羊為子夏弟子。迨若孟
子轉襲公羊。言竊取者是。謂因前人凡例。誠令舊無其目。何所從竊。子何而取。苟自發
此妄語也。胸臆無所因襲。言擅制則有矣。曾非竊取之謂也。左氏稱凡例曰禮經。杜預以為周

公舊法。要之周公時未有編年。周有春秋。始於宣世。其作法者。非史籀則尹吉甫也。

尹氏自佚己為周史。其後策命諸侯。必尹氏贊之。大雅記命程伯休父之事。左氏記

命晉侯重耳之事。皆稱尹氏。其分在佗國。謂之周太史。則尹氏之陪屬與其子弟。鄭

有尹氏。晉隱獲而囚焉。晉有辛有之子。謂之董史。柏常騫去周之齊。見晏子曰。齊

室之賤史也。晏子春秋明列國史官皆自周出。及其危賤。太史則奉禮經反于王宮。故

晉太史屠泰見晉之亂。以其圖法歸周。呂氏春秋由是言之。太史本王史。故不臣于

邦君。檀弓記衛太史柳莊死。公曰。柳莊非寡人之臣。社稷之臣也。明與策名委質者

殊科。孔子稱頌史亦曰社稷之臣。蓋用左氏言諸侯同盟。薨則赴以名。赴告本其國

史官所為。已非其臣。故不嫌斥名。又記董狐之書曰。趙盾弑其君。齊太史之書曰。崔

杼弑其君。言其君者。見非史官之君。及孔子修春秋。本以魯臣自攝史事。故魯君弑

則書公薨。非太史之比也。其餘皆從凡例矣。周室所布。即為令典。言禮經者。必非周

公之制。春秋書周臣有爵稱爵。無爵稱字稱名。至于尹氏有爵稱子。成十六年公會尹

子雖無爵。猶稱氏者。史官之宗。舊史皆書尹氏以示所尊。不敢指斥。貴于諸侯。故仲

尼猶依之。言竊取者。明本非其職。而私采其法也。若素無凡例者。即孟子為妄說矣。

錫瑞又云。碑版志銘皆有例。然則史有舊法。何所疑惑。即無例者。古之良史反不如

後之文士和。又公羊家皆謂春秋為漢制法。錫瑞據之。及于後世。此皆誤讀孟子莊生之文也。孔子自言述而不作。孟子言孔子作春秋者。此如班固漢書敘傳自題為述。後生亦得言班固作漢書。太史公自序曰。余所謂述故事。整齊其世傳。非所謂作也。然其當篇小序之下。復題為作。此則散言固有通名。分言則有別矣。孟子又曰。春秋天子之事也。尋說文事字訓職。古文小篆皆從史。則史職為本義。天子之事。其文猶言王官之吏。其最則天子之史職也。孔子陪臣。非若周太史直屬于王。不在其位而修其書。疑于侵官。故曰罪我者其惟春秋。安得所謂制法者乎。莊子曰。春秋經世先王之志。聖人議而不辯。經世者。以日繫月。以月繫時。以時繫歲。以歲繫世。元年二年。所謂歲也。隱公桓公之篇。所謂世也。劉子駿序帝王代禪。謂之世經。律曆志世之經紀曰世經。經紀其世曰經世。尚書關略無統系。至春秋乃似續不絕。其外又佐以世本。世以歲成。故必編年。經世與編年義亦同後人見文章經國之言。誤相比擬。以為經世大法。斯謬矣。先王之志者。猶曰四方之志。邦國之志。所錄皆往事。而不以繫後。玉故曰先王之志。後生見緯書有言志在春秋。因以誤讀。先王往矣。甯有遺志下為百代哉。其答顏淵之問為邦。有所取舍者。夏時即周禮所謂正歲。殷路即周禮所謂木路。韶舞即周禮所謂大韶。是時周孔子已不能舉其官。孟陬殄滅。魯郊亦或用日。至故孔子

思反正。魯郊祈穀。本以夏正。孟春啟蟄之候。冕而乘大路。周有六代之樂。故郊則舞
雲門。魯有四代之樂。故郊則舞大韶。記曰。明乎郊社之禮。禘嘗之義。治國其如示諸
掌乎。此所以答為邦之間也。豈遽變易舊章。自以為應制作義。公西赤治孔子喪。備
三代禮者。士喪亦有商祝。大夫喪禮。今亡。宜本取二代法。亦不僭制。故曰。吾學周禮
今用之。吾從周。此為下不倍之義也。曰。周監于二代。郁郁乎文哉。吾從周。此中心誠
服之言也。春秋縱不自居臣下。心所慕信。豈朝言之而莫達之乎。鳳鳥河圖之數。雍
也。南面之議。此自私家評論。知己與弟子德應帝王。不可用于春秋王官之書也。即
春秋改制者。何不自為一通書。盡其凡目。顧必以行事見之。事不足以盡禮。雖欲改
無所施。即觀公羊所傳。言制度者亦少矣。必待錄露然後明白。若世無董仲舒。春
秋將終為隱書。惜乎孔子之智。不如漢之博士也。且官制之弊。孰若封建。生民之痛
孰如肉刑。有封建故。法不均施。雖或整齊。少弛則急。其君臣或有禮秩。而民之無辜
者固多矣。有肉刑故。觸牾小罪。則終身不可以為人。漢世所以削疆藩而去剝削者。
誠至治之端。仁恩之至也。今春秋徒譏世卿。不廢封建。錫瑞謂大一統即封建。此
會公羊也。公羊所謂大一統。指正刑官李斯所謂一統者。指法令言。法令一統之言。附
一統。惟郡縣為可正朔。一統則封建郡縣所同。不特以文字偶同。妄為牽掇。有書妄
殺無議肉刑。惡在為後王制法也。若大者不舉。瑣瑣于名號徽識之間。以為改制。是

為務末棄本。豈聖哲之用心乎。然則天造草昧。乃利建侯。非清明之理。日中見沬。所以致刑。有消息之用。君子贊易。法象昭如。獨于春秋不著。故知其依周典則。通以為變法制則窒也。孟子曰。孔子成春秋而亂臣賊子懼。左氏則曰。凡弑君稱君。君無道也。稱臣。臣之罪也。焦循之倫。妄擬左氏反春秋意。訛訛不急。至今百年。錫瑞又播揚之。按春秋所以懼亂臣賊子。大者竊邑叛君。以徼大利。其次弑君。不專如孟子所說也。春秋書叛者五。復入者二。以邑來奔者三。雖賤必書地。以名其人。終為不義。弗可滅已。小者財有萌孽。事未昭明。猶為君子所惡。故曰。臧武仲以防求為後于魯。雖曰不要君。吾不信也。從是以次春秋。懲叛最甚。夫弑君者禍及一人。若披其邑。以自封。甚者外附其禍。及于通國。輕重之差。固易明也。弑君雖惡。自世子親弑而外。其情有殊。左氏傳曰。弑君稱君。君無道也。穀梁傳曰。稱國以弑其君。君惡甚矣。公羊董仲舒說曰。為人君父。而不通春秋之義者。必蒙首惡之名。斯蓋三傳通義。夫九伐之法。治臣者一。放弑其君是也。其餘通治君。自司馬失官。而邦君多愆行。不法羣下積忿。至于上戕。春秋誠治陪臣。豈遽不治列侯。自取其死。不伏王誅。為已幸矣。若猶貸之。是縱諸侯為惡也。嘗試論之。春秋之治。急于公卿大夫。緩于士庶。顏回之賢。盜跖之惡。近在魯國。而春秋不著。何者。國史所部。止于大政而已。故棄下而罪益微。棄上而罪

益者周世列國有公侯猶漢世郡有二千石。長官苛暴為下所賊王吏豈沒其罪而不宣哉。卿于君猶貳于正長也。漢胡建守軍正丞監軍御史有姦御史坐堂皇上建趨至堂皇下拜謁遂斬御史其奏曰軍法正亡屬將軍將軍有罪以聞二千石以下行法焉。丞於用法疑執事不諉上臣謹以斬昧死以聞。漢武不以為罪而建由是顯名。此則君無道而卿弑之即與軍正丞斬御史何異。列國之卿本由天春秋之臣如樂書宋鮑閻臧多懷姦私或自為嫌怨未有嚴正如胡建者故君惡不貸其臣亦與有誅左氏言稱臣為臣之罪稱君為君無道各主最甚為言非曰偏廢之也宋人弑其君杵臼君則無道然鮑亦專為姦宄下拊其民以成篡奪晉荀林父合三國之卿討之猶立文公而還晉侯復合諸侯于扈將以平宋卒無所就故伐宋不書卿譏失所也。平宋稱諸侯而不序言無功也。君無道而稱臣以弑者齊無知弑諸侯陳夏徵舒弑平國無知僭擬求竊君位罪則宜戮徵舒差輕針之針之事若在漢律以下則為臣也周律今不可知當亦從輕商復行弑光亦以淫者為名而自立為陳侯。見陳在然本言羣臣若急君于何有其事非為宗姜殺異于戲針而自立為陳侯。世宗在刑無赦故弑則書名戮則去官以示討也。徵此三事明其舉重為言非以此一廢彼一也。有罪在臣而被戮不彰國討者晉里克弑卓衡甯喜弑剽卓立非正又成于荀息之私。春秋從君死者三人孔父書字賢之也仇重耳最長宜嗣為君剽之自立于

行為篡。非叔武受命之例。克喜弑之罪輕。故于其死書殺其大夫。示非討也。其它則有辭窮而書者。楚公子比弑。處本非弑也。何以明之。處弑郈。比以右尹出在晉國。雖無權稱。以其號名為僞君。討賊義不可卻。然處已書楚子。故比不得不書弑君。亦猶弑父之賊。覆載不容。然商臣及般嗣位。據國以還。春秋不得不書楚子蔡侯。此皆辭之窮也。故弑其君在周禮則同罪。獨無訟君之誅。周世列國之卿。命于天子。與漢世王國傳相無異。漢世傳相或告其王。不以爲罪。春秋元咺訟君。天王以爲君臣無獄。然咺之見殺。書曰殺其大夫元咺及公子瑕。明其罪在專立。不在訟君也。俗人不悟。卿爲王命。徒以侯國私臣視之。又忘春秋之世。天子雖弱。其位當陽。所治非獨陪臣五等諸侯。猶有介鉞之幾。拘牽小義。置訟靡止。斯亦鄙矣。錫瑞又言。左氏載宣孟之忠。樂書之德。是爲當時邪說案。趙盾實不弑君。殺梁傅亦云。於盾也。見忠臣之至言。其未至。則已忠矣。駁諫其君。臨猛獸遭刺客而不恤。非忠云何。顧反不討賊。爲未至耳。德之名與怨。反古言德。猶今言恩。樂書弑君而下拊膺黎庶。戴其德者。則民也。晏嬰深慕陳氏。猶言陳氏雖無大德。有施于民。明其有小德也。弑君爲不義。拊民爲有恩。各從其主爲言。何謂邪說乎。錫瑞又曰。子欲居九夷。言學在四夷。居處恭。執事敬。與人忠。雖之夷狄。不可棄也。言忠信行篤敬。雖蠻貊之邦行矣。知聖人不薄視四夷。

故春秋至太平世。天下大同。夷狄進至于爵。後人以攘夷為春秋大義。未足以盡春

秋。斯言猶悖。內諸夏外夷狄。春秋諸家所同。故曰微管仲。吾其被髮左衽矣。聖人之

情見乎辭。甯獨春秋。遼固壽暉皆然。春秋諸夏用夷則夷之。吳楚是也。本在荆揚之

域九州之內。祖則當陽族。則太伯。為宗周建國。顧其地雜有荆蠻山越。一失其職。下

漸汙俗。則比之蕃人。范開校集解曰。楚本祝融之後。季連之胄也。而近南蠻。及

楚黃苞茅。復其舊常。屈完于是入錄。自爾與中國同辭。吳諸會同征伐。皆從狄例。以

吳祝髮文身。其俗又下于楚。然君卒則書名爵。為其本宗周胤胄也。至于命札以聘

諸姬。救蔡以捷不庭。請冠以奉王職。莫不進之諸夏。由其素非夷狄。其真為夷狄者。

君與大夫名爵不通。惟潞子嬰兒晉與之婚。復殘滅之。書爵所以罪晉。明親睦戎狄

者在晉人。然則吳楚與狄其類本異。書辭有變。未聞其進夷狄也。黃池之會。公羊家

所謂太平世也。然公羊傳猶曰。吳王會則曷為先言晉侯。不與夷狄之主中國也。何

休解詰曰。時吳疆而無道。敗齊臨淄。乘勝大會中國。齊晉前驅。魯衛駟乘。滕薛俠轂。

而趨以諸夏之眾。冠帶之國。反背天子而事夷狄。恥甚不可忍言。故深為諱辭。使若

吳大以禮義會天下諸侯。以尊事天子。故進稱子。以上何休所謂大同者。安在乎。然

公羊不悟。吳本非夷狄之已甚。夸夫從而反之。若春秋誠進夷狄者。甯獨反春秋意。

且固與公羊悖矣。却子所以稱四夷者，復非吳楚比。此則口語散名，猶今北人呼南人曰蠻夷。左氏記吳伐郢，季文子曰：「中國不振旅，蠻夷入伐而莫之或恤。」明郢本非夷。祀用夷禮，賤爵曰子。其餘邾莒之屬，稱是常事，猶以爵書，又不可下同吳。穀梁傳曰：「莒雖夷狄，猶中國也。」要之春秋有真夷者，有視夷者，有通言夷者，科律不同，不得執文為說。升降進退，其事異矣。之九夷行蠻貉，此自為一人行止，非及邦國之典。亦欲攝化要荒，令共王命，故曰「君子居之何陋之有」。若云不薄視四夷者，費中卒有不令之臣，而欲往赴其召，將亦不罪叛人邪？又大同者，本非春秋之義。公羊本無此禮，禮運所謂大同曰：「不獨親其親，子其子，謀閉而不興，盜賊亂而不得作，故外戶而不閉。」又未嘗言進夷狄也。縱萬國皆有文化，文化猶各因其舊，禮俗風紀及以語言，互不相入。雖欲大同，無由。錫瑞徒見夸毗之士，盛稱遠西，以為四海同貫，是徒知櫨梨橘柚之同甘，不察其異味，豈不惑哉！且夫時多外患，而方文致太平，亭徽一弛，則城郭為虛，彼未知設險之為時義，金革之作昏明也。

然則信言不美，美言不信。公羊家言，魯愈亂，春秋愈治，措斯術也，猶燕之樂于幕上。按公羊以二百四十二年分為據亂、升平、太平、大王者，一世而仁善人百年去殺比，此如是可謂太平遠者，不過百歲無待二百四十二年也。若夫八表同風，坤輿為一，此雖千年猶或未可利用厚生。又公羊有復讎之義，云國可復，家不可復，錫瑞誤讀亦若此。馬進退無義，為空論。其文以為匹夫任俠殺人報讎，是為亂民。按周禮調人，本有避讎之法，禮弓記孔子

之言曰父母之讎不反兵而鬪此明庶人亦有復讎之義也諸侯得仍世復讎庶人所報止于殺者一身公羊所言亦非與禮記異乃如齊豹之于公孟作而不義其書為盜此本睚眦之恨非有飲血之痛也君臣之間三傳未明著其法宜亦不得復讎要此諸論止乎冠帶之族而已若夫蠻夷猾夏竊地自王雖庶人至百世猶可復何者豺狼異族本無臣主之分君父不掩其義豈施此哉又左氏戴晉鄭各鑄刑書叔向孔子議之錫瑞則曰賦不可使無定刑不可使有定先王議事以制不為刑辟既著為法則小人執法為姦案叔向書已為子產卻孔子亦以唐叔受法文公執秩為是未欲廢法然復明尊貴之義者謂其本于夷蒐三易中軍然涉無法而有臨時假署之制此猶後人破選格而用便法終于贖貽公行便職在列然則執秩者蓋猶帝以降法執秩益繁虞舜聖哲之君後賢祖述其道刑章輕重亦以素殺周氏三典諸家龜皆以防民陷今通罪辜子產相鄰介于晉楚法施民急政墮俗微觀時之宜謂執秩之術外抗大國內安庶民仲尼兄事闕死出涕稱之遺愛非威德微而叔向乃謂儲胥栗陸御字之時徒陳閭義行禮致治之法雖虞夏之盛亦未可在殷周之初固不及所尋反覆斯言諒同王厄無當矣夫子所議令守晉國舊法范宣子所為非善政也斯張良元定用破惑亦由叔向嘗被樂盈之禍與其兄伯華同以無罪使因創鉅痛深激而廢法若太史身被腐刑則若謂法律得使人為姦者皆不在法在法欲為要緊執鞭策傳左膝之脂非至論也若謂法律得使人為姦者皆不在法在法之苟簡爾誠令科條密備雖文深吏將不能入昔唐律有舉輕明重舉重明輕苟好簡易而廢其數百條此趙冬曦所以稱其姦也若備其文何患於因緣出入且小人

執法為姦者。謂獄吏也。議事以制。則大臣亦得因議為姦。漢世張湯其明徵也。錫瑞徒以春秋斷獄為是。故惡夫法之明文而利其暗昧。令賤儒得妄據胸臆以示裁辨。夫刀筆吏欲周內人。猶附律也。儒生欲周內人。乃可去法令絕遠。其姦有甚于吏。彼董仲舒呂步舒者。則佞臣之梟已。汲黯嘗忿疾弘湯而折廷爭。擊之而不勝。仲舒徒以官簿免于正直所譏。其毒且施易及今未已。嗚呼哀哉。錫瑞又以孔子為教。玉經史為異塗。斯則方士之邪言。四部之鄙見。樵夫或當笑之。今亦無所譏焉。

新方言自序

自楊子雲纂方言。近世杭程二家皆廣其文。撮錄字書。勿能為疏通證明。又不麗於今語。錢晚徵蓋志乎輜軒之官守者也。知古今方音不相遠。及其作恒言錄。沾沾獨取史傳為徵。無由知聲音文字之本根。仁和翟灝為通俗編。雖略及訓詁。亦多本唐宋以後傳記雜書。於古訓。雖然無所附麗。俄而撮其一二。又相不理析也。夫考方言者在求其難通之語。筆札常文所不能悉。因以察其聲音條貫。上稽爾雅方言說文。諸書。數然如析符之復合。斯為貴。乃若儒先常語。如不中用。不了了諸文。雖無古籍。其文義自可直解。抑安用博引為然。自戴段玉裁以降。小學聲均。炳焉復保氏之舊。其以說解典策。謀然理解。獨於今世方言。止蓋如也。戴君作轉語二十章。其自述曰。

人之語言萬變而聲氣之微有自然之節限是故六書依聲託事假借相禪其用至博操之至約五方之言及小兒學語未清者其展轉訛謬必各如其位昔人既作爾雅方言釋名余以為猶闕一卷書疑為是篇用補其闕疑於義者以聲求之疑於聲者以義正之以上藏說善哉非耳順者孰能與於斯乎轉語書軼不傳後昆莫能繼其志名守既慢大共以小學之用輒於道古而止微與不知其術雖家人簞席之間造次談論且弗能自證其故方今國聞日陵夷士大夫厭古學弗講獨言語猶不違其雅素殊言絕代之語尚有存者世人學歐羅巴語多尋其語根溯之希臘羅甸今於國語顧不欲推見本始此尚不足齒於冠帶之倫何有於問學乎余少窺楊許之學好尚論古文於方言未惶暇也中更憂患悲文獻之衰微諸夏昆族之不甯壹略摛殊語徵之古音稍稍得其臆理蓋有誦讀占畢之聲既用唐韻而俗語猶不違古音者有通語既用今音而一鄉一州猶不違唐韻者有數字同從一聲唐韻已來一字轉變餘字則猶在本部而俗語或從之俱變者這陌紛錯不可究理方舉其言而不能徵其何字曷足怪乎若夫矜之為光棍也耿之為耳卦也亞腰之為呼腰也和門之為歡門也其語至常其本字亦非僻隱不可知者不曉音均變轉之友絕而循其肩吻所宣以檢字書則弗能得斯戴君轉語之所以貴後生不可待也及吾未入丘墓

之時為之理解猶瘡於放失。已會儀徵劉中叔亦好小學。為札記三十餘條。因比輯余說及中叔所診發者。無慮三百七十事。為新方言一篇。恨見聞不周。決其有異語。俟他日補次之。讀吾書者。雖身在隴畝。與夫市井販夫。當知今之殊言。不違姬漢。既陟升於皇之赫戲。而以臨瞻故國。其惻愴可知也。

梵文典序

佛典自東漢初有譯錄。至晉宋漸夥。猶多皮傳。流支真諦。術語稍密。及唐玄奘義淨諸師所述。始嚴栗合其本書。蓋定文若斯之難也。宋初施護惟淨。亦轉譯大乘經論。無慮數十。宋子京與二師時代相接。顧疑方等般若諸部。並由此方偽造。其源出于老莊。何其妄也。雖然。譯述之不善。誠足使人疑殆。當漢世安世高支婁迦讖等。已譯華嚴寶積般若之篇。支婁迦讖撰。中品目曰安世高譯。佛說寶積三昧文殊師利菩薩經。十法身經一卷。即寶積中品目世謂漢時無其人。既出安息月。於梵漢語言則兩闕。譯大乘者其言甚妄。疑其現存蓋任檢之。漢朝儒先經術雖通明。獨短哲學。斯筆受者亦拙。名身尚疏。何有于特論。故於全部特抽數卷譯之。而其文近于論語孝經及魏晉間士大夫喜老莊言談始利。老莊于釋典其術語誠弗能密切。然略相近。則僧肇道安諸師。又往往傳以清言。然觀童受所譯智度中百十二門華嚴成實諸論。其本文固弗取道家反覆徵詰。能如其意。特

疏家或以老莊相傳。故前有成玄英之疑。見傳後有宋子京之惑。然則論次梵文。蓋其要哉。夫求大義者。慮弗能離訓詁。內典之有翻譯名義。猶儒書之有說文爾雅也。唐人悉說曇者多至百餘家。今皆晦蝕不可見。始湛然著輔行傳。已多支離。及宋世法雲選翻譯名義集。誦外尚多。余每恨其公不為斯錄。而今疏擁者。皮傳為之也。廣州曼殊比丘既憂之。乃述梵文典八卷。余既觀其語且密也。私謂內典所論四無礙解。故非一塗。於言音展轉訓釋。總持自在。斯名詞無礙解。則音義釋文是也。於能詮身無專意。欲知梵語。則不可不尋文法。曼殊比丘於此。既發露頭角。余願其敷而充之也。抑大乘經論。以般若瑜伽二宗為上。其於外道六師。非直相攻。蓋攝取者多矣。六師雖偏執。其深細遠在。拍拉圖亞里斯多德上。惟獨逸諸哲。庶幾遊於其藩。不窺六師之書。不知大乘所以闊遠。吾土所譯。獨僧法有金七十論。辨世師有十句義耳。前者諸師有憂波尼沙陀。後此商羯邏有吠檀多哲學。皆闕不傳。大乘孤行。無外道與之相校。則辨論廢而義漸微。曼殊比丘既知梵語。他日益進而譯諸師之說。以與大乘相輔。余又願其敷而充之也。佛滅度後二千三百八十三年。震旦優婆塞章絳序。

致劉申叔書

申叔我兄志士。溥泉來知君忽患失血。想熱度過高。率暴貴涌。誠宜少自珍惜。游心物外。上海市井叢雜。文學猥鄙。數歲居此。不見經生。每念時為心輒惆悵。仁君家世舊傳賈服之學。亦有雅言微旨。匡我不逮者乎。孟瞻先生所纂正義。秘不行世。鄙人素治茲書。蓋嘗上溯周漢。得其傳人。有所陳義。則以採卿賈傳為本。次即子駿父子。中壘雖治穀梁。然呻吟左氏。見于君山新論。是故說苑新序所述。單文隻字。悉東序之秘竄。石室之貞符也。數歲以來。猶繹略盡。惜其不成。仍當勉自第次。學術萬端。不如說經之樂。心所繫著。已成染相。不得不為君子道之。他日保存國粹。較諸東方神道。必當差勝也。章炳麟頓首。

再與劉申叔書

申叔我兄志士。昨得手札并大箸二種。下走數歲以來。以世無轍人。自分臣之質死。今者奉教君子。吾道為之不孤。積年鬱結。始一發舒。勝得清酒三升也。曩時為左傳讀約。得三十萬言。先為敘錄。以駁申受之義。辭繁不暇具述。至以中壘亦治左氏。說似支離。然君山新論。明言劉子政子駿伯玉父子。呻吟左氏。下至婢僕。皆能誦誦。此語固非無據。君山親見二劉。語當可信。今之疑者。但以漢書所言。數難向。向不能非間。然猶自持其穀梁義。取此為證耳。僕則以為仲任論次人林鴻儒通人。本與儒

者有別。漢世儒者墨守一先生之說。須以發策決科。此專持家法者也。向歆本好博覽。左右采獲。自在鴻儒通人之列。與墨守者有殊。即觀子駿之說左氏。猶多旁引公羊。則向之兼通二家。未為異也。穀梁與左氏義少反對。與公羊更非同趣。上自孫卿。下及胡常。翟方進輩。皆以左氏名家。而亦兼治穀梁。蓋二家本皆魯學。非公羊齊學。絕不相通者之比。則子政貫綜二氏宜也。新論原書今已亡佚。所引數語。見於論衡。素丞相之遺迹。猶可蒐尋。量其時代。本在叔皮之前。（譚於王莽朝已仕）似不應信漢書而疑新論也。說苑新序所舉左氏成文。多至三十餘條。恐非徵據他書者。其間一字偶易。正可見古文左傳不同。今本而子政之改易古文。而代以訓詁者。亦皆可覩。太史公世家所述大略同。蓋字與今異者。則可見河間古文。訓與今異者。則本之賈生。訓故猶繹古義。斷在斯文。此鄙人所以珍為鴻寶也。若乃正義之作。亮有數難。劉許諸家多義例。而少訓故。然其例猶大體相似。仲師子慎多訓故。而少義例。其訓故又各不同。侍中兼之。亦申己義。治經者既貴其通。亦貴其別。不容以仲師之言蔽子駿。以侍中之言蔽仲師。家有異義。又不容模稜兩句。如冲遠疏詩已難異義。各自分疏。不加裁斷。此因傳後。并兩疏。不礙。不得不。不偏。今左氏古註。既非原本。特從他書。采輯。則注雖出於古人。而定註者。乃己也。似宜定其然否。以然者為注。而釋之以否者。入疏。而駁之。然後。或有。有。不。至。夫古義無微。而新說未繫者。無妨於疏中。特下己意。乃不為家同。專務編解者。

法所困。陳碩甫之疏毛惠定字之述易。皆因未達一間。以故拘學少味。僕竊以為過矣。舊疏考證。家有是書。正義雖未完具。終望諷誦一過。未知他日可以借閱否。甚程颢也。大箸收太誓答問條理明透。足令龔生鉗口。墨孟諸家所引太誓。專意謂在下篇。鄙人曩日持論。則謂國語有引太誓故者。故即訓故之故。疑墨孟所引皆在太誓故中。周漢人稱引古書。本經典傳誦。往往不加分別。亦猶引書序者直稱為書。而士禮喪服之記。至今與本經同列。其比例也。至太誓有故而諸篇無故者。或今已散佚。或如管子中偶為數篇作解。而他篇不盡作解也。未審尊旨然否。大箸小學發微。以文字之繁簡。見進化之次第。可謂妙達神指。研精覃思之作矣。鄙人三四年來。夙持此義。不謂今日復見君子。何異鄭服傳舍之遇耶。請述數言。以為塵壤之助。尊意以尊酋二字。皆以酒器酒名。引申為貴者之號。此旨正與僕合。夫重其秩位。則謂之尊。敬其法典。則謂之彝。易稱不喪匕鬯。史有三為祭酒。此皆古人重酒之徵。旁徵印度。則婆羅門以蘇摩為天玉。近徵日本。則秦王弓月因造酒而被崇敬。至於少康為庖正。得以光復舊物者。亦以釀酒悅衆之故。（杜康即少康）此皆可驗往事者矣。尊者謂人偶為仁。合於康德之義。僕按古文仁字作𡗗。夷字亦作𡗗。而山海經稱夷羿為仁羿。蓋夷俗仁。仁者壽。所以名夷者。其初祇有仁字。後以雙聲相轉。始作夷音。（古

音夷如遲如倭夷即倭遲是也故仁夷得為倭聲亦真脂通轉之理也說文凡片同字而片字特訓仁人則片亦即夷字下體詰屈象夷俗踳踳也段先生未明該義遂以仁人之訓為淺人所妄改其亦輕於立論矣尊意引君訓羣之說固以林森比況此可為爾雅舊注與高郵王氏之新說通其鄭隔矣僕疑古文君祇作尹如君氏作尹氏是也尹字從又持杖父字亦從又持杖此可見上世家族政體父即家君家即國父延及周時三公稱農父弘父析父而漢時亭長亦尚稱曰亭父此皆沿襲古語也尊意以一二三四五皆有古文而六字以上則無古文以此為上世原人祇知五數之謚僕向者曾思斯義祇以五色五音五位作謚今君復能實證古文則真豁然確當斯持之有故矣陳義奧博不復能贊一詞也章炳麟白

答某君論編書書

□□我兄國士被初九日書以惜誓語相擬殊過下走被羈係久矣猶未至搖尾求食耳襦吾皮以為鼓恐亦不足郊天如彼蚩尤音響尚聞五百里廣而角者又不足擬也將候選報汪疇定文皆不受佗人掣曳僕明歲亦相從為馬二先生事業此事功效膏較教育為鉅然豎軼論鉅所諫軌範方霧塞一世則能辨臭味者眇矣尊指欲設局編輯垂訓方來規模闊遠於今日尤為急務僕於朋輩中昔嘗見炊牛鼎不

可洎難今則已矣。上不辭為庾仲容馬總。下不辭為史游周興嗣矣。編輯一事頭緒
闕然。然其大要。不過數端。教科問答之書。不可近於策本。刪定成家之書。不可類於
御纂。此二種固等而下之之言也。稍高言之。則曰當辨雅俗。不必辨繁簡而已。雅而
簡約。無害為傳書。羣書治要是也。書與全無學術與今持此權度統紀自得未審尊
之書皆編策等耳旨然否致□□書。宜與新世界諸君子商定。若竢下走到滬。則當在寅未恐或太晚
耳。然君為此議。志願宏大。又不宜於歲晏猝發。使彼視之。以為百無聊賴。而計及於
此也。獻歲昭蘇。便可飛檄。□□方汲汲文學。想于田□諸侯而外。必當聽應仲遠一
言乎。將侯聞欲往金陵聽講。大乘起信論。已發軔否。殘年與死已唱和。興味當更增
也。手肅即頌道祉不既。弟章絳頓首。

復某書

連接三書。以事冗未及答。今少得暇。敬陳鄙意。以俟采擇。春秋書朝而無三時之禮。
君云魯在東方得之。然公及宋公遇於清。則遇禮未嘗不舉。而事在造次。當不及會
禮之詳備。是知遇名與周禮同。遇實與周禮異。素王改制。固無其文。桓文霸政。亦未
塙爾。此絕不可解者。劉賈以遇為久遇。此即取周禮為說。無如事在夏時。不應反行
冬禮。下曲禮云。諸侯未及期相見曰遇。此為今文家說。征南取以解經。于情轉悞。竊

疑周禮亦有損益。緯書文耀鉤有成周改號。義弘分官之說。恐前此固嘗修改。非必始于義弘也。前書云孤卿非齊晉所無。齊晉指桓文霸制。文尚未明。故君疑謂齊晉二國耳。春秋上公之國。惟有宋在。或亦月行殷禮。無周禮孤卿之制。然三監之稱。公見於儀禮。則亦與孤卿同體。周室舊封。惟衛最大。實兼殷畿千里之地。鄭謂卿為必然。卿卿所載皆是。衛事若為卿所并者。則卿自當有詩如檜為其後。方伯之國卿所并。魏為唐所并。而檜魏二風自載彼國之事。不載卿唐之事也。亦當自有其官。觀衛晉皆置六卿。未必僭擬天子。其三即三監耳。而春秋書此。亦與三命之卿無異。且卿亦書為大夫。此豈絕無取義。或大夫為孤監命卿之通稱。文從省略。則然乎。若夫五十凡例。不足盡傳文之旨。君言誠是。而劉賈許穎復於傳文之外。自為枝梧。則不足致意者。今欲作疏。惟就征南釋例。匡救其違。先於卷首為條例數十篇。然後隨事疏證。各附其年。斯綱紀秩如矣。康成箋詩。必先作注。輔嗣說易。亦略有略例。則揭示大義。自與隨文訓說有殊。可據以為法者也。征南釋例。惟拘於赴告者。必當匡救。其餘可采者多。即如賈侍中言左氏義深君父。此與公羊反對之詞耳。若夫稱國弑君。明其無道。則不得以義深君父為解。征南于此最為闕通。而近世鯀儒多謂借此以助典午。如焦里堂沈小宛輩。可謂深通古義矣。于此猶斷斷忿爭。則所謂焦明已翔乎宋廟。戈者猶視乎數澤也。征南短喪之說。亦為近儒所誚。若夫

來書所述左氏三例第二條云賈服雖善於說經然於五十凡例之外間有所補或
參用公穀不盡左氏家法宜存而弗論僕於此事舊疑甚久始謂劉賈諸儒曾見左
氏微言或其大義畧同二傳而杜征南不見遂疑諸儒詭更師法後復紬繹侍中所
奏有云左氏同公羊者什有七八乃知左氏初行學者不得其例故傳會公羊以就
其說亦猶佛典初興學者多以老莊皮傳征南生諸儒後始專以五十凡例為揭轅
不復雜引二傳則後儒之勝於先師者也然以是為周公舊典抑又失其義趣其間
固有史官成法如赴告諸例是也自茲而外大抵素王新法賓禮有會盟而無宗詘
官秩汰孤卿而存大夫其非周魯舊文固也明白公羊以殷禮自文誠為辭遁左氏末
師又謂當時霸制其於會盟之禮則從矣抑豈孤卿之秩亦霸制所無乎故知酌損
周官裁益齊晉斯素王之志也征南釋例亦有違者如傳說殺大夫者不書其名為
無罪而稱名者未可遽云在辟征南不悟乃謂泄治孔達之流悉有罪戾則違於傳
意矣劉賈諸儒以為大夫三命以上經始言名此雖於傳無文而非旁取公穀若夫
春秋內魯故叔孫未受三命名已見經楚國既受周昨楚世家成王元年天子賜昨雖小國而為
方伯故屈完為師春秋有錄其餘三叛之有名章儼吳札之讓國見褒此皆較在例
外而征南必執此以議劉賈則又過矣况所云甄釋字義者謂取說文以補侍中之

缺斯誠至論。鄙意左氏古文太史公時有義訓。子政說苑斯類亦多。其可以發見古義者。凡數十條。當較賈許為尤重。初賈太傅書中有連術一篇。純屬訓詁。若取此以說左氏。則舊義存者多矣。韓非引左氏說最多。其辯論復繁而不殺。僕曩時嘗刺取之。而備內篇有引桃左春秋一事。桃即趙字。桃左春秋。謂趙人虞卿荀子所傳左氏劉襲之徒。復何所容其辨乎。昔者春秋左傳諸文。多不能悉錄。敘錄一篇。專駁申受業已爲定。郵寄呈覽。如有可采。或入國粹報中。或更單行。皆從其便。

古韵分部。僕意取王高郵說。其外復參酌畢文東冬分部之說。王本有二十一部。若增冬部。則爲部二十有二。清濁斂侈。不外是矣。黃春谷「曲直通」說義頗新奇。然太蒙混。且東部與尤侯二部通轉甚多。如后案之爲項託後之韻。葉調之韻同。於古有徵。今音讀顯如容以吼。爲呢。亦由自然轉變。非有強作。而春谷必一概抹殺。斯爲過矣。然分部雖繁。要當知其鄰類。如之與蕭尤爲類。空與文元先脂爲類。支歌爲類。蒸侵覃爲類。東陽庚爲類。此皆妙合自然。今古不異。戴段諸公於斯盡瘁。審音有素。非專排比詩騷。後學守文。局於當句。故爲春谷所譏。雖然。甯人於此。誠不無遺憾矣。江戴諸公。蓋非春谷所能議也。

各省鄉土志體大物博。誠難驟了。博物學更非專門。不可。鄙意今日所急。在比輯。但

語作今方言音。其定戶已有此意。而所急者。乃在滿蒙西藏回部之文。徒為浩傷。何足以宣揚國光。鄙意所屬。乃在中國本部。鄉土異語。其發見古字古言者。正復不少。如山東人自稱倭子。倭從夸聲。本即華字。此可見古語相傳。以國名為種名也。皖北鄉人謂都市居民為奮子。（讀如泰）奮從大聲。此可證說文「大者人也」之說。亦古語之流傳也。比類知原。其事非一。若能精如楊子輯為一書。上通故訓。下諧時俗。亦可以發思古之幽情矣。昔仁和翟灝有通俗編之作。惜其人小學太淺。上比子慎。猶多不逮。其去子雲。實乎遠矣。吾輩於此。尚能致力。似較他事為易。亦有意乎。

復劉申叔書

手書具悉。一是討論左氏之學。疏通證明。足徵卓識。惟今之所欲辨析者。則以前函疑賈服釋左氏多擷取公穀六家之例。然靜以思之。覺左氏之例。不僅五十。征南凡例。實多未備。左傳之例。有著凡字以為標者。有不著凡字而亦為例者。征南據其著凡字者以為言。故所釋之例。僅五十條。自此以外。左氏佚例。可據傳文類求。如隱元年。天王使宰咺來歸惠公仲子之賵。傳云。緩且子氏未薨。故名。是天子大夫賵之則稱名。於恒例則應書字。故經文所書南季。仍叔家父。祭叔。皆天下之大夫稱字者也。此佚例可攷者一。若天子三公稱爵。中士下士稱名。下士稱人。又隱元年。公及邾儀父。

盟於蔑傳云非王命故不書魯五年邠犁來來朝傳云召未王命也是附庸之君未
王命者例皆書名褒之則稱字經文所書祭統蓋亦援侯父之例延南以此非也此使例
可考者二約舉二例餘例尚多有傳中所載之言而即為例者如有事而會一故傳
文於每次之會均言其所因之事不協而盟是有引禮文以為例者如公在饋卿不
子男可也劉夏延王后有加故字而亦為例者如公不與小故似皆在五十凡例以
於齊卿不非禮也外若杜氏於五十凡例外間有所釋如將卑師眾稱師則雜以公殺之說非左氏家
法也至來書言左傳有素王新法賓禮有會盟而無宗號官秩汰孤卿而存大夫故
酌損周官裁益齊晉斯為素王之制此說誠新奇可喜然按之古義則殊不然左傳
所言典禮無一不與周官經合五經異義云公羊說諸侯見天子及相聘皆曰朝以
朝時行禮卒而相逢於路曰邊古周禮說春曰朝夏曰宗秋曰覲冬曰邊僅言公羊
與周禮不同未言左傳與公羊同義夫左傳僅書所以朝王者據詩經正義引晉君
說謂一方而四分之或朝春或覲秋或宗夏或遇冬藩屏之臣不可虛方以行故分
越四時馬融以為在東方者朝春在南方者宗夏在西方者覲秋在北方者遇冬鄭
君注周禮謂四方以時分來蓋亦從馬說故賈疏謂春則東方盡來夏則南方盡來
也據馬鄭之義則春秋僅書朝王實因魯在東方於天子例行朝禮魯侯如周雖不

僅以春為限如僖二十八年五然以居東方之故禮仍行朝禮明不行朝宗遇三禮
有朝宗遇三禮則為朝禮耳故春秋亦僅書朝王為通名亦非若石厚言王親為
錄可見而之所行則為朝禮耳可甯俞言諸侯朝覲於王均記於左氏傳則左氏不廢覲禮矣豈得以春秋僅書燕
當遂疑孔子汰拾春之典春秋僅書蒐狩遂疑孔子汰苗獮之禮乎若公及宋公遇
用遇冬之禮實則遇冬為諸侯見天子禮非兩君相見之禮此蓋禮若謂左氏傳無
名偶同稱祭天為禘吉禘為禘夏祭亦名禘也似當從曲禮之說公孤則周禮明言公之孤四命則孤鄭衆曰九命上公得置孤卿惟上公有之諸侯
不得置也魯為侯國齊晉亦為侯國故無二孤來函謂孤卿之秩豈亦齊晉所無實
則按之周禮齊晉本無孤秩也若左傳別卿於大夫明証昭垂不勝縷舉乃公謂汰
卿以存大夫亦僕之所不解也總之左傳所言俱係周禮不必以公羊改制之說附
會左傳以清其家法賈君春秋左傳序首言孔子立素王之法即係誤采二家之說
實則素王之說出於緯書緯書取鄒衍五德之論以為孔子繼周故有素王之說實
則儒家不言五行焉有所謂五德之說奚必襲公羊家素王新法之詞乎大者春秋
左傳讀敘錄明哲辨章足以箱申受之口暇日當手錄一通並出平昔所心得者以
與公書相證明鄙人於申受之書亦略有條辨屬稿未成去歲文禍竟偕駭太誓各
問之稿同没入官今學報所登讀左劄記其緒餘也

復孫仲容書

仲容先生左右。得書竝周禮正義一表。謹振董再拜。以受發書在去歲八月至五月。肱始達。自昔未侍先生杖屨。既遭黨錮。修謁無緣。竝賜書亦濡滯半歲。甚益悲矣。承以古文二條見示。精鑿傀琦。足補漢師之闕。臯本作統二千年未覩本字。歟。自先生發之。絳始知說文臯字訓大白澤。非淺人妄改。乃古文借臯為臯。叔重誤仍臯為本字耳。白澤圖已著錄于隋經籍志。明其自古相傳有此異說。臯澤二字。古多棍轂說。文言臯古文以為澤字。本草廣雅澤蘭兼得虎蘭之名。疑本亦作臯。借臯為臯也。舊學放失。怪說昌披。近有欲以萬國新語改漢土文字者。絳方作駁議一篇。以世人多謂漢字難知。故復新定紐文韻文。今蒙學略知反語。已屬虞君轉呈。其有性綏。先生幸是正之。新方言印行後。近復附以新知。隱枯就墨。為釋詞釋言釋親屬釋形體釋宮室釋器釋天釋地釋植物釋動物十篇。俟再印行。便當就正。前書闕失尚多。先生有所誨正。幸即見示。名原七篇。何時出版。渴望賜閱。若昏夜之待明星。海內奇碩。自德清定海二師下世。靈光歸然。獨有先生。雖年逾中身。未為大耋。浙人所仰望者。亦無第二人。願存精神。加餐食。長為鄉土表儀。幸甚。幸甚。絳以寡昧。款啟之身。存更憂患。學殖荒蕪。無可自惠。內省素心。惟能堅守舊文。不惑時論。期以故訓聲均。擁護民德。遠不負德清師。近不負

先生雖竝世目為頑固所不辭矣正義當以一二月功得卒讀之後有疑滯復當以書請益也

與某君書

學報鈞微探賾宣揚國光誠所崇仰獨其中所錄公羊諸說時有未喻嚴顏立學須以發策決科。劬公解詁獨推胡毋條例彼既遠在漢初未觀左氏隨文發例亦無費焉。劬公生值炎季古文師詭灼然見明然猶黨同妬真自誓墨守據撫緯候多及百條適足使人迷罔魏晉以來其書廢闕非無故也劉申受輩當載學昌明之世研尋古義苦其煩碎拾此吐果自名其家固所以便文士常州儒人媚嫉最甚古文辭之筆法受之桐城乃欲自為一派以相抗衡其所謂今文學派者志亦若是而已然猶援據師說語必有宗不欲苟為皮傳公羊學之所以為公羊學者本貴墨守不貴其旁通也□□耳食歐書驚其瑰特則又愛傳騶氏通其說於赤縣神州至謂『雅言即編譯編譯即改制』荒謬誕妄更僕難終僕嘗見其全書舉莊子玄聖素王之語謂玄聖即周公按玄聖即孔子見制秦美新碑書以孔子為水傳黑漆不代舍義故舊有玄聖之號口氏以麻諱書玄聖作元聖即周公周公在古未有元聖之名述周書言元聖武夫非指周公為說稱周公此可謂全未讀書者為元聖者始於時文家之破題耳口乃據以為說信陋實甚今乃錄其學說不已過乎又□□文學深湛近世鮮其醜類僕亦以為第二人也

國朝文匯

卷十七

四十七

國學扶輪社印

而門下標榜乃謂揅述史遷俾倪韓柳則亦譽過其職鄙意提倡國學在樸說而不
在華辭文學誠優亦足疏錄然壯言自肆者宜歸泚泚經術則專主古文無取齊學
我朝詩皆可執錄君家世治左氏誠宜筆其精粹以示後生僕亦素崇子駿考迹
公羊終因則無取焉新論則知子政父子非有異端前已有一由此上窺乃及賈生訓故昔嘗作左氏論
約有五十萬言藏在篋中未示學者曾以語君求為編次當時書笥已失今復尋檢
得之復欲他人編排年月則已不可得矣臣精銷亡又未能躬自第錄唯敘錄一篇
文成二萬當賁書手赴寫更以寄君竊謂申受見之唯有匍匐卻走耳宋人程公說
春秋分記尋求未獲孫淵如嘗贊是書以為遠過顧棟高輩更鈔代為尋取書此達
意兼問起居如有德音無吝金玉

與某君書

國粹日微賴子提倡汎濫羣籍未若婢精一家君以賈服古文奕世載德年力鼎盛
必當比輯成書豈敢雅存左註率爾標觚自矜博覽而已弟所精此傳殆逾十年中
更憂患未能成快今者修吾故服亦頗沾沾自意而獨強寡和方更寂寥念昔仲師
與侍中同處明章之世微之史傳未有交通蹤迹彼此商榷復無其文良為悼恨吾
輩生丁衰季與鄭賈二公所遇殊絕子漱江流我迎日出相距一革竟無遇期方之

前哲又益悲矣。書此敬問起居。不備。劉子駿之紹述者。頌首。

俞先生傳

俞先生諱樾。字蔭甫。浙江德清人也。道光三十年。成進士。改庶吉士。既授編修。提督河南學政。革職。既免。官年三十八。始讀高郵王氏書。自是說經。依王氏律令。五歲成羣經平議。以刺述聞。又規雜志作諸子平議。最後作古書疑義舉例。治羣經不如述聞。論諸子乃與雜志抗衡。及為古書疑義舉例。輒察聽理。疏紕比。昔牙角。財見。紕為科條。五寸之槩。極巧以註。盡天下之方。視經傳釋詞。益拔郭矣。先是浙江治樸學者。本之金鶚沈濤。其佗多凌雜漢宋。邵懿辰起益誇嚴。先生教于詁經精舍。學者翕友。始屯固不陵節。同縣戴望以丈人事先生。嘗受學長洲陳奐。後依宋翔鳳。引公羊致之論語。先生亦次何邵公論語義一卷。始先生廢。初見翔鳳。翔鳳言說文始一終亥。即歸藏經。先生不為。然治春秋頗右公羊氏。蓋得之翔鳳云。為學無常師。左右采獲。深疾守家法。遵實錄者。說經好改字。末年自勅。為經說十六卷。多與前異。絳讀左氏昭公十七年傳。其居火也久矣。其與不然乎。證以論衡變動篇云。絳然之氣。應宋衡陳鄭災。說曰。不然者。林然之誤。借林為絳。先生曰。黠。尚善。不可以訓。其審諦如此。治小學不據商周彝器。曰歐陽修作集古錄。金石始萌芽。推略可采。其後多巫史誑。豫為之。

斯非所謂啻吾之通華山之暴可以辨形體識通段者。至秦漢碑銘則止雅性不好聲色。既喪母妻終身不肴食衣不過大布進機不通若菜。遇人豈弟。卧起有節。氣深深火董形無奇姸。老而神志不衰。然不能忘名位。既博覽典籍。下至裨官歌謠。以筆札汎愛人。其文辭瑕適。並見雜流。亦時時至門下。此其所短也。所著書自羣經平議。經說而下。有易說易官通變化論。周易互體微卦氣直日考。卦氣緯考。書說生霸死霸考。九族考。詩說。荀子詩說。詩名物證古。讀韓詩外傳。士昏禮對席圖。禮記鄭讀考。禮記異文箋。鄭康成。取正三禮考。玉佩考。左傳古本分年考。春秋歲星考。七十二候考。論語鄭義考。何劭公論語義緯論語駢枝兒。各錄諸漢碑。自諸子平議而下。有讀書餘錄。讀山海經。讀吳越春秋。讀越絕書。孟子高氏學。讀文子。讀公孫龍子。讀駢冠子。讀鹽鐵論。讀潛夫論。讀論衡。讀中論。讀抱朴子。讀文中子。讀楚辭。如別錄。其他筆語甚衆。然非其至也。年八十六。光緒三十三年卒。

贊曰。浙江樸學晚至。則四明金華之術。弟之昌自先生。賓附者有黃以周。孫詒讓。是時先漢師說已陵夷矣。浙猶較張。不弛愈趨。不逮一世。新學煥生。滅我聖文。焚而不蟬。非一隅之憂也。

孫詒讓傳

孫詒讓字仲容。浙江瑞安人也。父衣言太僕卿。性骨鯁。治永嘉之學。而詒讓好六藝。古文。父諷之曰。孺子徒自苦。經師如戴聖馬融。不阻羣盜為姦。劫則賊善人。甯治史志。足以經世。致遠。詒讓曰。以人廢言。不可。且先漢諸黎獻。夙義。矚然。經訓之以徒舉。一二人僻邪者。史官如沈約許敬宗。可盡師耶。父乃授周官經。其後為正義。自此始。年二十。中式丁卯科鄉試。援例得主事。從父官于江甯。是時德清戴望。海甯唐仁壽。儀徵劉壽曾。皆治樸學。詒讓與游。學益進。以為典莫備于六官。故疏周禮行莫賢於墨翟。故次墨子閒詁。文莫正於宗彝。故作古籀拾遺。其他有名原。古籀餘論。契文舉例。九旗古義述。周書斟補。尚書駢枝。大戴禮記斟補。六厯甄微。廣韵姓氏刊誤。經述。札述。述林。又發舒官禮為周禮政要。述方志為永嘉郡記。初賈公彥周禮疏多隱略。世儒各往往傳以今文師說。而拘牽後鄭義者。皆仇王肅。又糅雜齊魯間學。詒讓一切依古文。彈正郊社禘祫則從鄭。廟制昏期則從玉。益宣究于春少。贊仲師之學。發正鄭賈。凡百餘事。古今言周禮者莫能先也。墨子書多古字古言。經上下尤難讀。備城門以下諸篇。非審曲勿能治。始南海邵特夫比次重差。旁要諸術。轉相發明。文義猶詰訕不馴。詒讓集眾說下以己意。神指退明。文可誦誦。自墨學廢二千歲。儒術孤行。至是較著。詒讓行亦大類墨。內家居任卹。所至興學。與長吏檮。雖眾怨。弗恤也。

自段王裁明說文。其後小學益密。然說解猶有難理者。又經典相承諸文字。少半缺略。材者欲以金石款識補苴程瑤田阮元錢坫。往往考奇字。徵闕文。不審形聲。無以下策。其自珍治金文。益縱體滋多。於是矣。詒讓初辨篆器情偽。據北宋人所假名者。審其刻畫。不跌毫釐。即部居形聲。不可知輒置之。即可知。然後傳之六書所定文字。皆隱括就繩墨。古文由是大明。其名原本顯于世。札遼者。方物王念孫讀書雜誌。每下一義。妥辟甯極。渾入湊理。書少于諸子平議。校讎之勤。倍諸子平議。詒讓學術。蓋龍有金榜錢大昕段王裁王念孫四家。其明大義。鉤深窮高過之。晚年嘗主溫州師範學校。充浙江教育會長。及徵主禮學館。不起。年六十一。光緒三十四年五月病中風卒。

贊曰。救世士大夫。狃于外學。時得魄莫。視樸學若土梗。詒讓治六藝。旁理墨氏其精。博足以厚。擬姬漢三百年絕等雙矣。遭時不淑。用晦而明。若日將莫。則五色柳投愈。章而學不能傳弟子。勉為鄉里起橫舍。顧以裂餘見稱于世。悲夫。